

মহাভারত

মুঘলপর্ষ।

—০০*০০—

নারায়ণঃ নমস্কৃত্য নরকৈব নরোত্তমম্ ।

দেবীঃ সরস্বতীঃ ব্যাসঃ ততো জয়মুদীরয়েৎ ॥

যহ্নবালকদিগের প্রতি ব্রহ্মণ্যপ এবং
শাশ্বতের মুঘল প্রদত্ত ।

জন্মেজয় বলে শুনি কহ তপোধন ।
কি কি কৰ্ম করিলেন রুক্মিণীরমণ ॥
ভার নিবারণ হেতু হৈয়া অবতার ।
একে একে নাশিলেন পৃথিবীর ভার ।
তবে কোন্ কৰ্ম করিলেন যদুমণি ।
বিবরিয়া আমাকে কহিবা মহামুনি ॥
ভারত শুনিতে রাজা বড় হৃষ্টমন ।
পরাগে করয়ে যেন ঘটপদ ভ্রমণ ॥
প্রশ্ন করি সর্ব তত্ত্ব লন মুনিস্থানে ।
সাধু সত্ত্বগুণে রাজা পূর্ণ সর্বগুণে ॥
নহিল নহিবে হেন সাধু ক্ষিতিতলে ।
যার যশ প্রচারিল এ মহোমণ্ডলে ॥
নৃপতির প্রশ্ন শুনি মুনি মহাশয় ।
সাধু সাধু বলিয়া রাজারে প্রশংসয় ॥
বলেন বৈশম্পায়ন শুন কুরুপতি ।
দ্বারকায় বিহার করেন লক্ষ্মীপতি ॥
একদিন বেদী পরে বসি নারায়ণ ।
রুক্মিণী প্রভৃতি নারী সেবয়ে চরণ ॥
জাম্ববতী সত্যভামা ভদ্রা নয়জিতি ।
মিত্রবিন্দা মাদ্রী আর কালিন্দী শ্রীমতি ॥

এই অষ্ট পাটরাণী শ্রীকৃষ্ণমোহিনী ।
ষোড়শ সহস্র আর কৃষ্ণের রমণী ॥
নিজ মনোরথে সবে সেবয়ে শ্রীহরি ।
চামর ব্যঞ্জন করে নিজ হস্তে করি ॥
তাম্বুল যোগায় কেহ মনের হরিষে ।
রাতুল চরণ কেহ চাপে পরিতোষে ॥
হেনমতে সবে করে প্রভুর সেবন ।
অনিত্য স্থখেতে লিপ্ত কমলারমণ ॥
ব্রহ্মা আদি দেবগণ একত্র হইয়া ।
একদিন সবে যুক্তি করেন বসিয়া ॥
ত্যজিয়া বৈকুণ্ঠনাথ বৈকুণ্ঠ বসতি ।
পৃথিবীতে রহিলেন না করেন স্মৃতি ॥
নরদেহ ধরিয়া নাশিতে ক্ষিতি-ভার ।
মহা দৈত্যগণেরে করিলেন সংহার ॥
করিলেন বহু কৰ্ম কেলি অনুসারে ।
যাহা স্মরি পাপীলোক যায় ভবপারে ॥
দিন দিন অবনীতে করেন বিহার ।
বৈকুণ্ঠে আসিতে এবে হয় সূচিচার ॥
হেনমতে দেবগণ করে অনুমান ।
জানিলেন সর্ব অন্তর্যামী ভগবান ॥
বেদীতে বসিয়া কৃষ্ণ তুলিয়া নয়ন ।
দ্বারকার বসতি করিল নিরীক্ষণ ॥

স্থানে স্থানে বসতি লোকেতে পূর্ণ সব ।
 নগর ভিতরে সব লোক কলরব ॥
 ঠেলাঠেলি-গতায়াতে পথ নাহি পায় ।
 পথ ঘাট লোকেতে পূর্ণিত সর্বথায় ॥
 দেখিয়া চিন্তিত হইলেন নারায়ণ ।
 কি উপায় করিবেন ভাবেন তখন ॥
 পৃথিবীর ভার আমি করিব সংহার ।
 আমা হৈতে হৈল আরো চতুর্গুণ ভার ॥
 করযোড়ে বলে যত কৃষ্ণের নন্দন ।
 হের অবগতি কর যত মুনিগণ ॥
 চিরদিন গর্ভবতী এই ত অঙ্গনা ।
 না হয় প্রসব বড় পাইছে যন্ত্রণা ॥
 কতদিনে প্রসবিলে কি হবে অপত্য ।
 আপনারা মহাজ্ঞানী কহিবেন সত্য ॥
 এত শুনি মুনিগণ কুমারের বাণী ।
 ধ্যানস্থ হইয়া দেখি কহিল তথনি ॥
 জানিলাম শুন ওহে কৃষ্ণের কুমার ।
 লৌহপাত্রে করিয়াছ গর্ভের অকার ॥
 অবজ্ঞা জানিয়া ক্রোধ হৈল মুনিগণে ।
 ক্রোধমুখে কহিতে লাগিল ততক্ষণে ॥
 কৃষ্ণের নন্দন তোরা যত্নকুলোদ্ভব ।
 ব্রাহ্মণেরে উপহাস করহ যাদব ॥
 যে লৌহপাত্রেতে কৈলে গর্ভের আকৃতি ।
 এখনি উত্তম বংশ হইবে উৎপত্তি ॥
 তাহা হৈতে তোমা সবে হবে বড় ভয় ।
 যত্নকুল ধ্বংস হবে জানিহ নিশ্চয় ॥
 হেনই সময় সেই জাম্ববতী-সুত ।
 মুঘল প্রসব এক কৈল আচম্বিত ॥
 চিন্তিত হইল দেখি যতেক কুমার ।
 কি করিব কি হইবে করেন বিচার ॥
 মুঘল দেখিয়া অতি বিধাদিত মন ।
 সকল কুমার হৈল মলিন বদন ॥
 আপনার দোষে হৈল কুলের নিধন ।
 কুল অন্ত হবে হেন বুঝয়ে কারণ ॥
 অজ্ঞান হইয়া কৈলু দ্বিজে উপহাস ।
 রক্ষা নাহি নিশ্চয় হইবে সর্বনাশ ॥

শুনিয়া কি বলিবেন দেব গদাধর ।
 না জানি কি কহিবেন দেব হলধর ॥
 কি হেতু কুবুদ্ধি আজি হৈল মোসবার ।
 কোন্ মতে হইবে ইহার প্রতিকার ॥
 কোন লাঞ্জে লোকে তবে দেখাব বদন ।
 শুনিলে এখনি ক্রুদ্ধ হইবে নারায়ণ ॥
 বড় লজ্জা ভয় আজি হ'ল মোসবার ।
 বাহুড়িয়া গৃহে পুনঃ না যাইব আর ॥
 এই অনুতাপ করে যত শিশুগণ ।
 অন্তর্যামী জানিলেন সব নারায়ণ ॥
 পুত্রগণ সন্নিকটে আসি গদাধর ।
 কহেন সবার প্রতি মধুর উত্তর ॥
 কি কারণে মৌনভাব দেখি পুত্রগণ ।
 কোন্ দুঃখে দুঃখী হৈলে কহত কারণ ॥
 কৃষ্ণের বচনে কহে যতেক কুমার ।
 দৈবেতে কুবুদ্ধি তাত হৈল মোসবার ॥
 কুকর্ষ হইল আজি, বুদ্ধি হৈল হ্রাস ।
 মুনিগণে দেখি করিলাম উপহাস ॥
 তার প্রতিফল এই হইল মুঘল ।
 কোপে শাপ দিয়া গেল ব্রাহ্মণ সকল ॥
 ইহা হ'তে হইবেক যত্নবংশ ক্ষয় ।
 এই হেতু আমাদের হইয়াছে ভয় ॥
 লজ্জা ভয়ে হইয়াছে আকুল পরাণ ।
 বুঝিয়া যা হয় দেব করহ বিধান ॥
 কুমারগণের কথা শুনিয়া শিহরি ।
 শিশুগণে আশ্বাসিয়া কহেন শ্রীহরি ॥
 এই হেতু চিন্তা কেন কর সর্বজন ।
 যাহা কহি তাহা শুন যদি লয় মন ॥
 মুঘল লইয়া যাহ প্রভাসের তীরে ।
 ঘষিয়া করহ ক্ষয় পাষণ উপরে ॥
 ঘর্ষণে করিলে ক্ষয় ভয় কিবা আর ।
 সত্ত্বর গমনে যাহ যতেক কুমার ॥
 আসিয়া প্রভাস-তীরে করি স্নানদান ।
 পাষণে ঘর্ষণে সবে আনন্দ বিধান ॥
 ঘর্ষণে করয়ে ক্ষয় কুমার সকল ।
 ঘষিতে ঘষিতে ক্ষয় হইল মুঘল ॥

অবশেষে অল্পমাত্র রহিল কিঞ্চিৎ ।
 দেখিয়া কুমার সব হইল বিস্মিত ॥
 হাতে ধরি ঘষিতে আয়ত্ত নাহি হয় ।
 কেমনে করিব ইহা পাষাণেতে ক্ষয় ॥
 খণ্ডিল মনের ত্রাস কৃষ্ণ উপদেশে ।
 কি আর করিব ভয়ঙ্কর অবশেষে ॥
 এতেক বালক সব মনে অনুমানি ।
 শেষ লৌহ প্রভাস সলিলে ফেলে টানি ॥
 হরষিতে স্নান করি প্রভাসের জলে ।
 দ্বারাবতী চলে গেল বালক সকলে ॥
 গোবিন্দের আগে আসি কহিল কাহিনী ।
 শিশুগণে আশ্বাসেন দেব চক্রপাণি ॥
 ভারতে মুঘলপর্ব্ব অপূর্ব্ব আখ্যান ।
 কাশীরাম দেব কহে শুনে পুণ্যবান ॥

যত্নকুল ক্ষমার্থে কৃষ্ণ-বলরামের যুক্তি ।

মুনি বলে শুন পরীক্ষিতের নন্দন ।
 মুঘল বৃত্তান্ত কহি শুনহ কারণ ॥
 মুঘল ঘষিয়া ক্ষয় কৈল শিশুগণ ।
 সেই হ্রদে হৈল নল-খাগড়ার বন ॥
 শেষ লৌহ জলে যেই টানিয়া ফেলিল ।
 জলে ছিল মৎস্যরাজ তাহারে গিলিল ॥
 ধীবর আইল মৎস করিতে ধারণ ।
 জালে বন্দী হৈল মৎস্য দৈবের কারণ ॥
 লৌহ শেষ পায় মৎস্য কাটিবার কালে ।
 জরা নামে এক ব্যাধ এসে সেই স্থলে ॥
 মাগিয়া লইল লৌহ ধীবরের স্থানে ।
 কশ্মিরগৃহে ফলা গড়াইয়া দিল বাণে ॥
 এখানে দ্বারকাপুরে দেব নরহরি ।
 যদুবংশ বিনাশিতে হৃদয়ে বিচারি ॥
 অবধান কর দেব রেবতীরমণ ।
 ভারাবতারণে আইলাম এ ভুবন ॥
 দুষ্ট দৈত্য মারিয়া খণ্ডিলু পৃথিব্যভার ।
 ততোধিক যত্নকুল হইল আমার ॥
 ইহা সব বিদ্যমান নহে ভার শেষ ।
 অধিক যাতনা ক্ষিতি পায় ত বিশেষ ॥

ইহার উপায় দেব চিস্তিয়াছি আমি ।
 যত্নকুল ক্ষয় করি হবে স্বর্গগামী ॥
 মম বংশ ক্ষয় করে, আছে কোনজন ।
 ত্রক্ষশাপ লক্ষ্য করি করিব নিধন ॥
 প্রভাসে যাইব চল স্নান করিবারে ।
 যদুবংশ সঙ্গে করি লহ সবাকারে ॥
 এইমতে দুই ভাই উঠিয়া দ্বারায় ।
 মাতা পিতা অগ্রে যান লইতে বিদায় ॥
 হেনকালে অমঙ্গল দেখি অপ্রমিত ।
 ভূমিকম্প উল্কাপাত অতি বিপরীত ॥
 সঘনে নির্ঘাত শব্দ দশদিকে হয় ।
 দিবসেতে ধূমকেতু হইল উদয় ॥
 দ্বারকায় জলচর হয় যুতিমান ।
 টলমল করয়ে দ্বারকাপুরীখান ॥
 কাষ্ঠ শিলা যুতিকা প্রতিমা যত ছিল ।
 কেহ অটু হাসে, কেহ বিদারী পড়িল ॥
 নৃত্য করি বুলে কেহ, নগর ভিতরে ।
 অকস্মাৎ ভাঙ্গি পড়ে দেউল মন্দিরে ॥
 শৃগাল কুকুর সব ডাকে উচ্চৈঃস্বরে ।
 প্রিয়া প্রিয়া হৃদয় হয় নগরে নগরে ॥
 অকালে উদয় হৈল দেব রবি শশী ।
 সিংহিকা তনয় তাহে অপূর্ব্ব গরাসী ॥
 হাহাকার শব্দ করে নগরের লোক ।
 স্বর্গের দেবতাগণ করে মহাশোক ॥
 এইরূপে উৎপাত হইল স্থবিস্তার ।
 দেবগণ সংহতি আইল সৃষ্টিধর ॥
 অন্তরীক্ষে থাকিয়া যতেক দেবগণ ।
 করিলেন বহুমতে প্রভুর স্তবন ॥
 নমস্তে কমলাকান্ত বিশ্বরূপ হরি ।
 নমস্তে ক্ষীরোদশায়ী মধুকৈটভারি ॥
 নির্লেপ নিগূঢ় নিরাকার নিরঞ্জন ।
 অনন্ত আকার বিশ্বরূপ সনাতন ॥
 সত্ত্ব রজঃ তমোগুণে এ তিন প্রকার ।
 লীলায় করহ সৃষ্টি লীলায় সংহার ॥
 চন্দ্র সূর্য আকাশ পৃথিবী জলনিধি ।
 পবন বরুণ ইন্দ্র গঙ্গা নদ নদী ॥

সকল তোমার অঙ্গ কেহ ভিন্ন নহে ।
 অন্তরূপে বিলাসে তোমার সর্ব দেহে ॥
 অপার তোমার লীলা কে বুঝিতে পারে ।
 আপনি করিলা লীলা দানব সংহারে ॥
 ক্ষিত্তিভার হেতু পূর্বে করিলে গোহারি ।
 এই হেতু পৃথিবীতে এলে ত্বর করি ॥
 অম্বর বধিয়া খণ্ডাইলা পৃথীভার ।
 ধর্ম সংস্থাপন আর অম্বর সংহার ॥
 চিরদিন শূন্য আছে বৈকুণ্ঠভুবন ।
 সবাই প্রার্থনা করে তব আগমন ॥
 নররূপ ধরিয়া রহিলে ক্ষিত্তিতলে ।
 কৃপা করি যত লোক কৃতার্থ করিলে ॥
 দারুণ হুরন্ত দৈত্যগণ দুর্মতি ।
 লীলায় সংহারি, ভার খণ্ডাইলে ক্ষিত্তি ॥
 অপার তোমার লীলা কহে বেদকৃতী ।
 রিপুভাবে দৈত্যগণে দিলা উদ্ধগতি ॥
 এমনতোমার দয়া কে বুঝিতে পারে ।
 মিত্রামিত্র ভাব নাই তোমার বিচারে ॥
 কৃপায় করিলে পার যত পান্ডিগণে ।
 পতিতপাবন নাম ইহার কারণে ॥
 এইরূপে বিধাতা কহিল স্তুতিবাণী ।
 হাসিয়া উত্তর দেন দেব চক্রপানি ॥
 অচিরে বৈকুণ্ঠে যাব শুন বিধিবর ।
 নিজ নিজ গৃহে যাও যতেক অমর ॥
 ভার নিবারিতে আমি আসি পৃথিবীতে ।
 ততোধিক ভার ক্ষিত্তি হৈল আমা হৈতে ।
 যদ্বংশ বৃদ্ধি হৈল আমার কারণ ॥
 অন্তরূপে নাহি হয় সব নিবারণ ॥
 ব্রহ্মশাপ লক্ষ্য করি সংহারিব ভার ।
 অচিরে যাইব আমি স্থানে আপনার ॥
 অতএব নিজ স্থানে করহ গমন ।
 যথাস্থখে বিহার করহ দেবগণ ॥
 শুনিয়া সানন্দ ব্রহ্মা আদি দেবগণ ।
 প্রদক্ষিণ করি বন্দে শ্রীহরি-চরণ ॥
 তবে যত দেবগণে লইয়া সংহতি ।
 গেলেন বিদায় হৈয়া দেব প্রজাপতি ॥

বলভদ্র সহ হরি করিয়া বিধান ।
 পুত্রগণে ডাকিয়া করিল আজ্ঞা দান ॥
 বিবিধ উৎপাত দেখ হ'ল বারে বার ।
 সবে মেলি করহ ইহার প্রতিকার ॥
 প্রভাস তীর্থেতে সবে করহ প্রয়াণ ।
 আপদ খণ্ডিবে সব তাহে কৈলে স্নান ॥
 শীঘ্রগতি সজ্জা কর সব পুত্রগণ ।
 সবে চল যদ্বংশে আছে যত জন ॥
 শ্রীগণ কেবল মাত্র রহিবেক ঘরে ।
 হরির আদেশে সবে চলিল সত্বরে ॥
 প্রভুর আদেশ পেয়ে বত যদুগণ ।
 প্রভাসে যাইতে সজ্জা করে সর্বজন ॥
 পুত্রগণে আদেশ করিয়া দুই ভাই ।
 শীঘ্রগতি আইলেন মাতাপিতা ঠাই ॥
 তদ্বকথা নিভূতে কহেন দুইজন ।
 মায়াজাল ছাড়ি দেহ শুনহ বচন ॥
 পুত্র পরিবার বন্ধু দেখ যত জন ।
 মায়াময় ফাঁস এই নিগূঢ় বন্ধন ॥
 হেন মায়াজাল এড়ি তত্ত্ব দেহ মন ।
 সংসারের মায়ামদ ত্যজ দুই জন ॥
 নিজ নিজ কস্মার্জিত ভুঞ্জে দুই কালে ।
 সুখ দুঃখ আপন অর্জিত কস্মফলে ॥
 ইহা জানি ব্রহ্মজ্ঞান কর আচরণ ।
 পাইবা উত্তম গতি শুন দুইজন ॥
 এত বলি প্রবোধিয়া জনক-জননী ।
 প্রভাসেতে যাত্রা করিলেন চক্রপানি ॥
 উগ্রসেনে সম্বোধিয়া দেব দামোদর ।
 দারুকে বলেন রথ আনহ সত্বর ॥
 আজ্ঞামাত্র দারুক রথের সজ্জা করি ।
 শুভক্ষণে আরোহণ করেন শ্রীহরি ॥
 মুঘল পর্বের কথা অনূত সমান ।
 কাশীরাম দাস কহে শুনে পুণ্যবান ॥

সপরিবারে শ্রীকৃষ্ণের প্রভাস তীর্থে গমন ।

কৃষ্ণ সঙ্গে চলিলেন যত যদুগণ ।

বলভদ্র কৃতবর্মা সাত্যকি সারণ ॥

কামদেব চারুদেয়ঃ হৃদেয়ঃ সূচারু ।
 চারুদেহ চারুগুপ্ত ভদ্রচারু চারু ॥
 চারুচন্দ্র বিচারু এ দশটি নন্দন ।
 রুশ্লিগীর গর্ভে এরা লভিল জনম ॥
 সূভানু স্বর্ভানু আর চন্দ্রভানু ভানু ।
 প্রভানু বিভানু বৃহদ্ভানু প্রতিভানু ॥
 ভানুমান অবিভানু এই পুত্র দশ ।
 সত্যভামা উদরে শ্রীকৃষ্ণের গুণস ॥
 শ্রীশাস্ত্র স্মিত্র শত্রুজিত চিত্রকেতু ।
 পুরুজিত বিজয় সহস্রজিত ক্রতু ॥
 বসুমান নবন যে দ্রুপদ দশম ।
 জাম্ববতী নন্দনের এই জ্ঞান ক্রম ॥
 বীরচন্দ্র অশ্বমেধ রুম বেগবান ।
 আর শঙ্কু বসু কুন্তি চিত্রগুণ আখ্যান ॥
 লম্বজিতা উদরে হইল এই দশ ।
 কৃষ্ণের সন্তান ধরে কৃষ্ণের সাহস ॥
 শুক কবি রুম বীর সুবাহু নামক ।
 ভদ্র শান্তি দর্শ পূর্ণমাস শ্রীসোমক ॥
 কালিন্দী দেবীর পুত্র এই দশ জন ।
 শ্রীকৃষ্ণের পুত্র এরা বিখ্যাত ভুবন ॥
 প্রঘোষ ওজস সিংহ উর্দ্ধগ প্রবল ।
 গাত্রবান মহাশক্তি সহ আর বল ॥
 আর যে অপরাজিত এই দশ জন ।
 মাদ্রীর গর্ভেতে জন্ম শ্রীকৃষ্ণ-নন্দন ॥
 রুম গৃধ্র বহি হর্ষ অনিল পবন ।
 বহ্নন অন্নাদ ক্ষুধি এই নয় জন ॥
 দশম মহাংশ এই গোবিন্দ নন্দন ।
 মিত্রবিন্দা দেবীর আনন্দ বিবর্দ্ধন ॥
 বৃহৎসেন প্রহরণ শূর অরিজিত ।
 সূভদ্রা সত্যক রাম শ্রীসংগ্রামজিৎ ॥
 আয়ু আর জয় এই দশটি সন্তান ।
 ভদ্রার সহিত কৃষ্ণ সদা সুখবান ॥
 অষ্ট মহিষীর পুত্র করিল গমন ।
 সবার প্রধান এই কৃষ্ণের নন্দন ॥
 গোবিন্দের ভার্য্যা ষোল সহস্রেক আর ।
 জনে জনে দশ পুত্র হৈল সবাচার ॥

এক লক্ষ অষ্টবিংশ সহস্র নন্দন ।
 অষ্ট মহিষীর পুত্র আর আশীজন ॥
 কৃষ্ণের নন্দন এই করিলু লিখন ।
 তা সবার পুত্র পৌত্র কে করে গণন ॥
 অপর যাদব-বংশ গণিতে অপার ।
 বলিয়া ছাপান্ন কোটি করয়ে বিচার ॥
 স্নমজ্জা করিয়া রথে করে আরোহণ ।
 নানা অস্ত্র ধনুর্বাণ করিল ধারণ ॥
 অপূর্ব কৃষ্ণের মায়া কে বুঝিতে পারে ।
 নগর বাহির হরি হইলেন পরে ॥
 দ্বারকা ত্যজিয়া হৈল কৃষ্ণের গমন ।
 দিবসে আন্ধার হৈল দ্বারকা ভুবন ॥
 চিত্র-পুস্তলির প্রায় রহে সর্ব নারী ।
 মৌনভাবে নিম্পন্দে নিঃসরে মৈত্রবারি ॥
 হেনমতে দ্বারকা ত্যজিয়া নারায়ণ ।
 করেন প্রভাস-তারে সহরে গমন ॥
 মুঘলপর্বের কথা ব্যাসের রচিত ।
 কাশীরাম দাস কহে রচিয়া সঙ্গীত ॥

সাত্যকির সহিত শ্রীকৃষ্ণের বাদানুবাদ ।

সাত্যকির বচনে হাসেন নারায়ণ ।
 পুনরপি সাত্যকিরে বলেন বচন ॥
 জানি আমি সাত্যকি তোমার বীরপণা ।
 কুরু-পাণ্ডবের দলে জানে সর্বজন ॥
 কর্ণের সহিত রণ কৈলে একবার ।
 প্রাণ ল'য়ে পলাইলে করি পরিহার ॥
 দ্রোণ সঙ্গে যুঝিয়া পাইলে পরাভব ।
 কেহ কেহ না যুঝিল করিয়া গৌরব ॥
 সিংহনাদ করিয়া বলিলে রণস্থলে ।
 হীনশক্তি জনে পায়ে সংহার করিলে ॥
 ভয়াশ্রিত হীনশক্তি হীন অন্ধজন ।
 তোমার যুদ্ধের যোগ্য এই সব জন ॥
 সোমদত্ত-সুত ভূরিশ্রবা নরপতি ।
 যুঝিতে আসিয়া ছিল তোমার সংহতি ॥
 নিজ শক্তি না জানিয়া যুদ্ধে দিলে মন ।
 যে গতি করিল-তোমা হয় কি স্মরণ ॥


হীন অস্ত্র কৈল তোমা সংগ্রাম ভিতরে ।
 কেশে ধরি উত্তম করিল কাটিবারে ॥
 হেনকালে কহিলাম অর্জুন নিকটে ।
 হের দেখ শিনিপুত্র পড়িল সঙ্কটে ॥
 ভূরিশ্রবা কাটে দেখ সাত্যকির শির ।
 ভূরিতে করহ রক্ষা ধনঞ্জয় বীর ॥
 আমার বচনে তবে কুন্তীর কুমার ।
 খড়্গ সহ হস্ত কাটি পাড়িলেক তার ॥
 হস্ত কাটা গেল তার অর্জুনের বাণে ।
 ভূমে লোটাইয়া বীর পড়ে সেইক্ষণে ॥
 ভূমিতে পড়িল প্রায় ত্যজিল জীবন ।
 খড়্গ ল'য়ে তুমি তারে কাটিলে তখন ॥
 এই বীরপণা তুমি করিলে সমরে ।
 দর্প করি কথা কহ সভার ভিতরে ॥
 কোন পরাক্রমে ভূরিশ্রবাকে মারিলে ।
 বড় কস্ম কৈলে বলি মনে বিচারিলে ॥
 পাপীর সংসর্গে পাপ বাড়ে নিতি নিতি ।
 এখানে উচিত নহে তোমার বসতি ॥
 মর্যাদা থাকিতে উঠি করহ গমন ।
 অন্ম ঠাঁই বৈস তুমি যথা লয় মন ॥
 শুনিয়া কৃষ্ণের মুখে এতেক বচন ।
 বিস্ময় মানিয়া চাহে যত যদুগণ ॥
 মনে মনে শিশু সব করে অনুভব ।
 কৃষ্ণের পরম প্রিয় সাত্যকি উদ্ধব ॥
 এত দিনে সাত্যাক বিচ্ছেদ হৈল প্রায় ।
 নহে কটুভর এত কহে যদুরায় ॥
 কৃষ্ণের উত্তর শুনি শিনির নন্দন ।
 মহাকোপে গর্জিয়া উঠিল সেইক্ষণ ॥
 বারুণী মদিরাপানে ঘূর্ণিত লোচন ।
 দীর্ঘশ্বাস ছাড়িলেন মহাকোপ মন ॥
 কর পদ কম্পিয়া কম্পয়ে ওষ্ঠাধর ।
 কড় মড় দশন মর্দয়ে করে কর ॥
 গর্জনেতে বলিলেন গোবিন্দের প্রতি ।
 আশ্রয় এমন বাক্য কহরে দুঃস্মৃতি ॥
 তোমার দুঃকস্ম যত কেবা নাহি জানে ।
 কপটে মারিলে পাণ্ডবের বন্ধুগণে ॥

অবোধ পাণ্ডব সব তোমার উত্তরে ।
 রণজয় করিয়া রহিল স্থানান্তরে ॥
 যদি সবে এক ঠাঁই বঞ্চিত রজনী ।
 তবে কেন সর্বনাশ করিবেক দ্রোণি ॥
 তুমি আমি পঞ্চ ভাই পাণ্ডুর নন্দন ।
 তব বাক্যে স্থানান্তরে রহি সর্বজন ॥
 ধৃষ্টদ্যুম্ন আদি পঞ্চ দ্রোপদীকুমার ।
 রহিল শিবিরে যেন অনাথ আকার ॥
 নিশিযোগে ছিল সবে নিদ্রায় বিহ্বলে ।
 চোররূপে তিনজন গেল সেইকালে ॥
 কূপ কৃতবর্মা আর দ্রোণি দুঃস্মৃতি ।
 নিদ্রিত জনেরে মারে দুর্জয় প্রকৃতি ॥
 যদি আমি থাকিতাম কিম্বা পাণ্ডুস্থিতে ।
 কার শক্তি দ্রোপদীর পুত্র বিনাশিতে ॥
 কৃতবর্মা কূপ দ্রোণি তিন ছুরাচার ।
 ইহা হৈতে পাপকারী কেবা আছে আর ॥
 না বলিয়া অস্ত্র যদি প্রহারয়ে প্রাণে ।
 অস্ত্রহীন জনে আর হীনশক্তি জনে ॥
 অবিরোধি জনে যেই করয়ে প্রহার ।
 তাহা সম পাপী নাহি বেদের বিচার ॥
 সকল অধর্ম পথ যে জন সিঞ্চিল ।
 সে জন ধার্মিক হ'য়ে সভাতে বসিল ॥
 তোমা সম কপটী, কে পাপী ছুরাচারী ।
 সকল হইল নষ্ট তোমার চাতুরী ॥
 কপট তোমার যত ধর্মের বিচার ।
 কোন ঠাঁই বীরপণা না দেখি তোমার ॥
 জরাসন্ধ ভয়েতে ত্যজিয়া মধুপুরী ।
 সমুদ্রে ভিতরে বৈস দ্বারকানগরা ॥
 ক্ষুদ্র জন বড় জন কেবা নাহি জানে ।
 নন্দ্রের নন্দন তুমি বাস বৃন্দাবনে ॥
 গোপ অন্ন খাইয়া বঞ্চিলে গোপগৃহে ।
 গোপাল বলিয়া নাম তেঁই লোকে কহে ॥
 জন্মের নির্ণয় তব কেবা নাহি জানে ।
 বহুদেব দৈবকীর পশিলা স্মরণে ॥
 পিতা বহুদেব হৈল দৈবকী জননী ।
 বহুদেব-তনয় বলিয়া সবে জানি ॥

বাহুদেব নাম দিল করিয়া আদর ।
সভামধ্যে কৈল তোমা যাদব ঈশ্বর ॥
বহুদেব পুত্র বলি মান্য করি সবে ।
দোষাদোষ নাহি লই তাঁহারি গৌরবে ॥
এই হেতু হইল বড়ই অহঙ্কার ।
আমারে করহ নিন্দা আরে ছুরাচার ॥
পৃথিবীতে যত মহারাজগণ ছিল ।
কল্প সভা মধ্যে তোরে বসিতে না দিল ॥

যুধিষ্ঠির রাজা যবে রাজসূয় কৈল ।
এক লক্ষ নৃপতিরে বরিয়া আনিল ॥
গৌরব করিয়া ভীষ্ম কহিল তাহাতে ।
রাজগণ মধ্যে অগ্রে তোমায় পূজিতে ॥
ভীষ্মের বচনে ধর্ম্য পূজিল তোমারে ।
সেই হেতু রুধিল যতেক নরবরে ॥
বলিল সকল রাজা যত কুবচন ।
সে সকল কথা তব হয় কি স্মরণ ॥
দৈবেতে কহিলে তুমি বাক্য কটুময় ।
তোমার সভায় কি বসিতে যোগ্য হয় ॥
পরম কপটী তুমি অতি ছুরাচার ।
তোমার চাতুরী কেহ নাহি বুঝিবার ॥
নিষ্কলঙ্ক নির্দোষ নিষ্পাপ সত্যব্রতী ।
হেন জনে নিন্দে যেই সেই দুর্ভ্রমতি ॥
তোমার জনকে পূর্বে কেবা নাহি জানে ।
গিয়াছিল দৈবকীর স্বয়ম্বর স্থানে ॥
দৈবক রাজার কন্যা তোমার জননী ।
পরম রূপসী বিদ্যাধরী রূপ জিনি ॥
দেখিয়া মোহিত হ'ল জনক তোমার ।
কন্যা লইবার হেতু করয়ে বিচার ॥
বহু রাজা আসিয়াছে স্বয়ম্বর স্থানে ।
রথে তুলি লয় কন্যা সব বিদ্যমান ॥
সত্তর গমনে যায় কন্যারে লইয়া ।
চৌদিকে ভূপতিগণ বেড়িল আসিয়া ॥
দেখিয়া হইল বহু ভয়ে কম্পবান ।
কি করিব কেমনে হইবে পরিত্রাণ ॥
কন্যার কারণে আজি জীবন সংশয় ।
পলাইতে নাহি শক্তি মজিনু নিশ্চয় ॥

ভয়ান্ত জানিয়া যত সাধু রাজগণ ।
ক্রোধ সম্বরিতা গেল না করিল রণ ॥
দুর্ভ্র রাজগণ সঙ্গে বাহুলীক নন্দন ।
বহুর উপরে করে অস্ত্র বরিষণ ॥
দেখিয়া কুপিল শিনি জনক আমার ।
সোমদত্ত সনে রণ করিল অপার ॥
রথ অশ্ব সারথি কাটিল ধনুগুণে ।
হাতাহাতি সমর হইল দুইজনে ॥
কোপেতে জনক মোর ধরি তার চুলে ।
চড় মারি দস্ত ভাঙ্গি করিল নির্মূল ॥
সকল ভূপতিগণ কৈল উপরোধ ।
সোমদত্তে ছাড়ি পিতা সম্বরণে ক্রোধ ॥
ভয়েতে সকল রাজা নিবৃত্ত হইল ।
আপন আপন দেশে সবে চলি গেল ॥
পিতা স্থানে সোমদত্ত অপমান পেয়ে ।
শিব আরাধনা করে ঘোর বনে গিয়ে ॥
স্তুবে তুষ্ট হ'য়ে বর যাচে পশুপতি ।
বর মাগে সোমদত্ত হরে করে স্তুতি ॥
শিনির প্রহারে মম দহে কলেবর ।
বড় অপমান কৈল সভার ভিতর ॥
তেমতি আমার পুত্র হোক বলবান ।
শিনি-পুত্রে মোর পুত্র করে অপমান ॥
সেই হেতু ভূরিশ্রবা হৈল বলধর ।
আমি কি কহিব ইহা জানে সর্ব নর ॥
এই হেতু আমার করিল অপমান ।
না হইল শক্তি তবু বধিতে পরাণ ॥
যে কালে আমার কেশ ধরিল দুর্মতি ।
কুমারের চক্র হেন ফিরলাম তখি ॥
কত শক্তি ধরে সেই সোমদত্ত-মৃত ।
দৈববলে এই কর্ম করিল অদ্ভুত ॥
যেই জন করিল এতেক অপমান ।
বলে ছলে প্রকারে লইব তার প্রাণ ॥
আমার সাহায্যে হস্ত কাটিল অর্জুন ।
আমি তার মুণ্ড কাটলাম সেইক্ষণ ॥
ইহাতে পাতকী বড় হইলাম আমি ।
বড় ধার্ম্যকরে লেয়া বসিয়াছ তুমি ॥



পাণ্ডব তোমার প্রিয়বন্ধু বলি জানে ।
তাহাদের সর্বনাশ করিল যে জনে ॥
পুত্র মিত্র বন্ধু নাশিলেক যেই জন ।
নিদ্রিত জনেরে গিয়া করিল নিধন ॥
হেন জন হৈল তব পরম বান্ধব ।
জানিহু তোমার প্রিয় যেমন পাণ্ডব ॥
কপট করিয়া মজাইলে পাণ্ডবেরে ।
পরম কুটিল তুমি কে জানে তোমারে ॥
মহাভারতের কথা অমৃত লহরী ।
কাশীরাম দাস কহে ভবভয় তরি ॥

বহুকুল ধ্বংস ও বলদেবের দেহত্যাগ ।

এইরূপে বলাবলি হইল বিস্তর ।
গর্জিয়া উঠিল কৃতবর্মা ধনুর্ধর ॥
হাতে অসি করি যায়, কাটিবার আশে ।
গর্জন করিয়া বলে বচন কর্কশে ॥
আরে ছুরাচার পাণ্ডী শিনির নন্দন ।
এতক তোমার গর্ব না বুঝি কারণ ॥
গোবিন্দেরে নিন্দা কর দুষ্কৃত অধোগামী ।
ইহার উচিত ফল তোরে দিব আমি ॥
ভুরিভ্রবা ঢাল খাঁড়া লৈয়া বীর দাপে ।
কোন্ পরাক্রম কর এতক প্রতাপে ॥
নৃপতি সমূহ মধ্যে কৈল অপমান ।
কোন্ লাজে ধর দুষ্কৃত এ পাপ পরাণ ॥
অপমান হৈতে মৃত্যু শ্রেষ্ঠ শত গুণে ।
ধিক্ ধিক্ আরে দুষ্কৃত নিলজ্জ জীবনে ॥
আমারে নিন্দহ দুষ্কৃত না বুঝি কারণ ।
পাণ্ডবের সর্বনাশ কৈল কোনজন ॥
দ্রোণপুত্র প্রবেশিল শিবির ভিতরে ।
সকল করিল ক্ষয় দ্রোণি একেশ্বরে ॥
আমা দৌহে আছিলাম দাণ্ডাইয়া দ্বারে ।
রে দুষ্কৃত আমারে গালি দেহ অহঙ্কারে ॥
এত বলি অসি ল'য়ে কাটিবারে ধায় ।
গর্জিয়া সাত্যকি বলে জমদগ্নি প্রায় ॥
উচিত কহিতে ক্রোধ হইল তোমার ।
আমারে মারিতে এস আরে ছুরাচার ॥

তোর দর্প ঘুচাব কাটিব তোর শির ।
এত বলি অসি ল'য়ে ধায় মহাবীর ॥
অসির প্রহারে বীর কাটে তার শির ।
ভূমেতে লোটায় কৃতবর্মার শরীর ॥
হাহাকার শব্দে ডাকে যতক যাদব ।
মার মার বলিয়া ধাইল যত সব ॥
দেখিয়া অদ্ভুত কন্ম সবিস্ময় মন ।
আত্ম আত্ম বিবাদী হইল সর্বজন ॥
কৃতবর্মা বধ হৈল দেখিয়া নয়নে ।
সাত্যকিরে মারিবারে ধায় যদুগণে ॥
নানা অস্ত্র ফেলি মারে সাত্যকি উপর ।
মুঘলধারায় যেন বর্ষে জলধর ॥
স্নেহ করি কেহ হৈল সাত্যকির ভিত ।
অস্ত্র বৃষ্টি করে কেহ অতি ক্রোধচিত ॥
সহোদরে সহোদরে হৈল দুই দল ।
মার মার শব্দেতে হইল কোলাহল ॥
প্রলয় সময়ে যেন উথলে সাগর ।
দেবাসুরে হয় যেন যুদ্ধ ঘোরতর ॥
ঘোরতর গর্জন সঘনে সিংহনাদ ।
ঝাঁকে ঝাঁকে বাণ বৃষ্টি নাহি অবসাদ ॥
ধনুকে যুড়িতে বাণ বিলম্ব না করে ।
হাতে অস্ত্র বীর সব করয়ে প্রহারে ॥
অস্ত্রে অস্ত্র নিবারণ করে জনে জনে ।
সর্ব অস্ত্র ক্ষয় হৈল অস্ত্র নাহি ভূণে ॥
ক্রোধমনে যুদ্ধ করে নাহি অবসান ।
দাণ্ডাইয়া কোতুক দেখেন ভগবান ॥
অদ্ভুত দেখিয়া রাম বিসম্বদন ।
বৃত্তান্ত জানিয়া স্থির হৈলেন তখন ॥
যুঝয়ে যাদবকুল আপনা আপনি ।
খড়গ ল'য়ে কেহ কেহ করে হানাহানি ॥
ধনুকে ধনুকে যুদ্ধ অস্ত্র বরিষণ ।
ঝঙ্কনা পড়য়ে যেন ভীষণ দর্শন ॥
ধনুক টঙ্কার শব্দে পূরিল গগন ।
ভয়ে ভীত তিন লোক শুনিয়া গর্জন ॥
রণস্থলে গালাগালি করে ভাই ভাই ।
ইচ্ছ বন্ধু কার' পানে কেহ নাহি চাই ॥

শক্তি তুলি হানে কেহ কাহার' উপর ।
 শেল জাঠা শক্তি মারে ভূষণী তোমর ॥
 আপনা পাসরি সবে কোপে অচেতন ।
 পাথর তুলিয়া মারে ঘোর দরশন ॥
 মুদগর তুলিয়া কেহ মারে কার' মাথে ।
 রথ অশ্ব সারথি মারেন এক ঘাতে ॥
 অঁকড়ি করিয়া কেহ ধরে রথখান ।
 সিংহনাদ ছাড়ি ফেলে দিয়া এক টান ॥
 প্রহারে না করে ভয় অভেদ্য শরীর ।
 অতুল সাহস সবে রণে মহাবীর ॥
 হেনমতে যুঝে যত যাদব-কুমার ।
 শূন্য কর হৈল কার' অস্ত্র নাহি আর ॥
 যতেক বিক্রম কৈল কিছু না হইল ।
 যাদবগণের অঙ্গ তিল না ভেদিল ॥
 উপায় করেন তবে দেব ভগবান ।
 নিকটে খাগড়ার বন দেখি বিগ্ৰহমান ॥
 মুঘল ঘর্ষণে পূর্বে সলিল যে হ'ল ।
 তাহাতে খাগড়া নল বন উপজিল ॥
 যদুগণে দেখাইয়া কন দামোদর ।
 নল বৃক্ষ ফেলি মার সবে পরস্পর ॥
 এই উপদেশ যদি যদুগণে পায় ।
 শীত্রগতি নলবন উপাড়িতে যায় ॥
 নল খাগড়ার গাছ ধরি যদুগণ ।
 অন্তে অন্তে প্রহার করয়ে জনে জন ॥
 অস্ত্রেতে না ভেদে যেই যাদব শরীর ।
 নল খাগড়ার ঘায় পড়ে সব বীর ॥
 অঙ্গে পরশিবামাত্র পড়ে সেইক্ষণ ।
 ব্রহ্মশাপে ধ্বংস হয় যত যদুগণ ॥
 জনে জনে মারামারি অতিশয় ক্রোধ ।
 ভাই ভাই খুড়া জ্যেষ্ঠা নাহি উপরোধ ॥
 হেনমতে যদুগণে হয় মহারণ ।
 দারুক ডাকিয়া কন শ্রীমধুসূদন ॥
 সত্বরে দারুক যাহ মথুরানগরে ।
 মম রথে করি লহ বজ্র মহাবীরে ॥
 মথুরায় রাখ নিয়া প্রপৌত্র আমার ।
 অন্ত গেল যদুকুল কিবা দেখ আর ॥

সে কারণে বজ্র লৈয়া যাও মথুরায় ।
 স্ত্রীগণ লইয়া পিছে যাইবে তথায় ॥
 আমিও পৃথিবী ছাড়ি যাব নিজ স্থানে ।
 আজি হৈতে সপ্তম দিবস পরিমাণে ॥
 কার্তিকী পূর্ণিমা হবে কৃত্তিকানক্ষত্র ।
 সেই দিনে দ্বারাবতী প্রাসিবে সমুদ্রে ॥
 এই সব বিবরণ কহিবে সবারে ।
 ব্রহ্মশাস্ত্র বুঝাইবে শোক নাশিবারে ॥
 তথা হৈতে হেথায় আইস শীত্রগতি ।
 পুনঃ যাইবারে হবে হস্তিনা বসতি ॥
 পাণ্ডবগণেরে দিয়া মম সমাচার ।
 আনিবেক প্রিয়সখা অর্জুন আমার ॥
 এত বলি দারুকেরে দিলেন বিদায় ।
 বজ্রে ল'য়ে দারুক গেল মথুরায় ॥
 প্রহ্মেশ্বরের পৌত্র অনিরুদ্ধের তনয় ।
 উষার উদরে জন্ম বজ্র মহাশয় ॥
 মধুপুরে রাখি তারে কৃষ্ণের আদেশে ।
 সবাকারে সমাচার দিলেক বিশেষে ॥
 দারুক বচনে সবে হৈল চমৎকার ।
 আকাশ ভাঙ্গিয়া শিরে পড়ে সবাকার ॥
 অস্থির হইয়া সবে ভূমিতলে পড়ি ।
 চিত্রের পুতলি প্রায় যায় গড়াগড়ি ॥
 অচেতন দেখিয়া দারুক সবাকারে ।
 ব্রহ্মশাপ বুঝাইল বিবিধ প্রকারে ॥
 ব্রহ্মে মন নিযুক্ত করিয়া সবাকার ।
 শ্রীকৃষ্ণের নিকটে চলিল পুনর্ব্বার ॥
 আসিয়া দেখিল সেই প্রভাসের তীরে ॥
 ভূমিতলে পড়িয়াছে যত যদুবীরে ॥
 একজন নাহি কেহ বৃষ্টি যদুকূলে ।
 অন্তে অন্তে মারি সবে হইল নির্ম্মূলে ॥
 ধূলায় ধূসর তনু অবনী লোটাই ।
 কেবল আছেন রামকৃষ্ণ দুই ভাই ॥
 শোকেতে আকুল হৈল দারুক সারথি ।
 মুচ্ছিত হইয়া সেই পড়িলেক ক্ষিতি ॥
 প্রবোধিয়া গোবিন্দ কহেন দারুকেরে ।
 সত্বরে দারুক যাহ হস্তিনানগরে ॥



विद्यया ऽमृतम् ।

আমার পরম বন্ধু পাণ্ডুর নন্দন ।
 অর্জুনে আনিতে শীত্র করহ গমন ।
 কৃষ্ণ আজ্ঞা পেয়ে চলে দারুক সারথি ।
 হস্তিনানগরে গেল বিষাদিত মতি ॥
 বলভদ্রে কহিলেন দেব নারায়ণ ।
 অবধান কর দেব করি নিবেদন ॥
 এইখানে আপনি থাকহ একেশ্বর ।
 দ্বারকা হইতে আমি আসি দ্বরাপর ॥
 মাতা পিতা পরিজন না পায় বারতা ।
 সবা সম্বোধিতে আমি যাই শীত্র তথা ॥
 যাবৎ না আসি আমি দ্বারকা হইতে ।
 তাবৎ আপনি হেথা থাক এইমতে ॥
 কৃষ্ণবাক্যে বলভদ্র করেন স্বীকার ।
 তোমা বিনা গতি ভাই কে আছে আমার ॥
 রামেরে রাখিয়া কৃষ্ণ করেন গমন ।
 দ্বারকানগরে আসি দেন দরশন ॥
 জনক জননী পুরনারীগণ যত ।
 সবা কারে প্রবোধ করেন সমুচিত ॥
 পূর্বে যত অমঙ্গল হইল অপার ।
 প্রভাসে গেলাম করিবারে প্রতীকার ॥
 স্নান করি একত্রে বসিল সর্বজন ।
 কথায় কথায় হৃদয় করিল সৃজন ॥
 সেই হৃদয়ে মহাকোপ হয় সবা কার ।
 আশ্র আশ্র যুদ্ধ করি হইল সংহার ॥
 একজন যত্নকূলে আর কেহ নাই ।
 কেবল আছি যে রামকৃষ্ণ দুই ভাই ॥
 শোকেতে আকুল রাম না আইসে ঘরে ।
 তপ আচরণে তিনি প্রভাসের তীরে ॥
 আমিও শোকেতে প্রাণ ধরিতে না পারি ।
 গৃহবাস ছাড়িলাম হব তপস্চারী ॥
 সংসার অসার মাত্র সব মায়াজাল ।
 ইহাতে মোহিত হৈলে বুধা যায় কাল ॥
 এমতি সংসার ধ্বংস দেখ ভাবি মনে ।
 স্থিরমতি করি মন দেহ তত্ত্বজ্ঞানে ॥
 বিষাদ ত্যজিয়া সবে ধর্ম্মে দেহ মন ।
 এত বলি মেলানি মাগেন নারায়ণ ॥

সবার জীবন হরি নিল নারায়ণ ।
 চিত্রের পুত্তলি প্রায় রহে সর্বজন ॥
 স্বাস্থ্যাত্রে শরীরে আছিল সবা কার ।
 অবনী লোটায়ে লোক শবের আকার ॥
 রামের নিকটে আসি শ্রীমধুসূদন ।
 ভাই ভাই মিলিয়া করেন আলিঙ্গন ॥
 প্রভাসের তীরে রাম যোগাসন করি ।
 হৃদয়ে পরমব্রহ্ম জপে মন করি ॥
 যুগল নয়নে হেরি কৃষ্ণের বদন ।
 যোগে তনু ত্যজিলেন রোহিণীনন্দন ॥
 ভারত মুঘলপর্ব ব্যাস বিরচিত ।
 কাশীরাম দাস কহে রচিয়া সঙ্গীত ॥

শ্রীকৃষ্ণের দেহত্যাগ ।

যদুবংশে অবতরি, বাসুদেব নাম ধরি,
 কৌতুকেতে অবনৌবিহারী ।
 যাঁহার কটাক্ষে হয়, সৃজন পালন লয়,
 ভকত-বংশল চক্রধারী ॥
 যাঁর নাম গুণ গাই, সর্বপাপে ত্রাণ পাই,
 নাহি রহে শমনের ভয় ।
 ব্রহ্মশাপ লক্ষ্য করি, ক্ষিতিভার ত্রাণ করি,
 নিজ বংশ পূব করি ক্ষয় ॥
 এক জন নাহি শেষ, হৃদে চিন্তি হৃষীকেশ,
 নিজ দেহ ত্যজিতে বিচারি ।
 প্রভাস তীরের তীরে, উঠিলেন শাখী পরে,
 বসিলেন শাখায় মুরারী ॥
 বসিয়া বৃক্ষের পর, চিন্তিলেন চক্রধর,
 নিজ দেহ ত্যাগের কারণ ।
 এক পদ তরু পর, আরোহিয়া গদাধর,
 নৃত্য করি দ্বিতীর চরণ ॥
 আপনা চিন্তিয়া মনে, বসি প্রভু শাখাসনে
 মোনেতে আছেন গদাধর ।
 নৃত্যকায় মন্দগতি, ব্যাধ এক এল তথি,
 যুগয়ার ছলে একেশ্বর ॥
 দ্বরা ব্যাধ ধরে নাম, ধনুর্বেদে অঙ্গুপম,
 হাতে ধরি দিব্য শরাসন ।

যুগ মারিবার ছলে, ব্যাধ আসি সেই স্থলে,
 দেখিলেক কৃষ্ণের চরণ ॥
 ধ্বজবজ্রাক্রুশ পদ, রবিবিন্ধ কোকনদ,
 শত পদ্য যেন সুশোভন ।
 রাতুল চরণ দেখি, ব্যাধস্বত হৈল সুখী,
 যুগকর্ণ হেন নিল মন ।
 যুবলের শেষ পাই, যেন বাণ নিরামাই,
 দৈবে সেই বাণ নিল হাতে ।
 টানিয়া ধনুকখান, সন্ধানিয়া মারে বাণ,
 চরণ ভেদিল জগন্নাথে ॥
 বাণ মারি ব্যাধস্বত, বৃক্ষতলে এল দ্রুত,
 অপূর্ব দেখিয়া হৈল ভীত ।
 কীরীট কুণ্ডল হার, নানা রত্ন অলঙ্কার,
 হৃদয়ে কোমল হৃদয়ে সুশোভিত ॥
 পাঞ্চজন্ম স্বদর্শন, পাদপদ্ম সুশোভন,
 চতুর্ভূজ গলে বনমালা ।
 শ্রীবৎসলাঞ্জন দেহে, মণি বিভূষণ তাহে,
 নবমেঘে যেমন চপলা ॥
 অগ্নান তুলসী-মাল, আকর্ণ-লোচন ভাল,
 অলকা তিলকা ভালে সাজে ।
 পরিধান পীতবাস, মুখচন্দ্র সুপ্রকাশ,
 কত শোভা কত দ্বিজরাজে ॥
 ভয়ার্ত্ত হইয়া ব্যাধ, মাগি নিজ অপরাধ,
 প্রণমিয়া প্রভুর চরণে ।
 কৃপাময় অবতরি, অনাদি পুরুষ হরি,
 তুমি সার এ তিন ভুবনে ॥
 আমি পাপী দুরাশয়, অজ্ঞানেতে মূর্ত্তিময়,
 অপরাধ করিনু গৌসাই ।
 শুন প্রভু চক্রপাণি, যে কৰ্ম্ম করিনু আমি,
 আমার নিকৃতি কভু নাই ॥
 শুনিয়া ব্যাধের বাণী, আশ্বাসেন চক্রপাণি,
 শুন ব্যাধ না করিহ ভয় ।
 মম দেহ ভাগকালে, নয়নেতে নিরখিলে,
 স্বর্গে যাবে কহিনু নিশ্চয় ॥
 রামচন্দ্র অবতারে, পিতৃসত্য পালিবারে,
 প্রবেশিনু অরণ্য ভিতর ।

নীতা নামে মম নারী, রাবণ লইল হরি,
 অশ্বেষিতে দুই সহোদর ॥
 সাক্ষাৎ হইল বনে, আর চারি কপিসনে,
 সখা হৈল সহিত আমার ।
 বধ করি বলিরাজা, স্ত্রীবে করিনু রাজা,
 ছিলে তুমি বালির কোণ্ডর ॥
 মারিয়া লঙ্কার পতি, উদ্ধারিনু নীতাসতী,
 দিতে বর যাচিনু স্তোমারে ।
 পিতৃবৈরি মারিবারে, বর মাগি নিলা মোরে,
 আমিও ছিলাম অঙ্গীকার ॥
 সেই প্রয়োজন ফলে, জন্ম হৈল ব্যাধকূলে,
 মুক্ত হ'য়ে যাহ স্বর্গপুরে ।
 হেনকালে আচম্বিতে, পুষ্পসৃষ্টি অপ্রমিত,
 রথ এল ব্যাধের গোচরে ॥
 চাহিয়া গোবিন্দপদ, রথ আরোহিয়া ব্যাধ,
 স্বর্গপুরে করিল গমন ।
 শ্রীমধুসূদন হরি, হৃদয়ে ভাবনা করি,
 নিজ দেহ ত্যজেন তখন ॥
 জ্যোতির্ময় নিজ অঙ্গে, প্রবেশি পরম রঙ্গে,
 দেবগণে করে স্তুতিবাণী ।
 দুন্দুভি-নিবাদ বাজে, অম্বরী কিনরী নাচে,
 হুলাহুলি অমর রমণী ॥
 পুষ্পসৃষ্টি করে মবে, পারিষদগণ সেবে
 স্তুতি করে হর মুনিগণ ।
 চতুমুখে বিধিবর, পঞ্চমুখে মহেশ্বর
 করপুটে করয়ে স্তবন ॥
 অখিল হইল দীপ্ত, ভুবন হইল তৃপ্ত
 আনন্দিত যত দেবগণ ।
 শুনরে ভকত ভাই, স্মরণেতে মুক্তি পাই,
 এড়াই শমন দরশন ॥
 ভক্তবশ গুণনিধি, ভক্তবাঞ্ছা করে সিদ্ধি,
 নাই আর ভক্তির সমান ।
 কাশীদাস বলে যদি, পার হবে ভব-নদী,
 ভজ সেই দেব ভগবান ॥

অৰ্জুন কৰ্ত্তক প্ৰভাস্ৱামকৃষ্ণেৰ মৃতশৰীৰ দৰ্শন ।

হস্তিনা নগৰে এল দাৰুৰু সারথি ।
করযোড়ে কহে কথা ধৰ্ম্মৰাজ প্ৰতি ॥
অবধান কর রাজা পাণ্ডুর নন্দন ।
কৃষ্ণ পাঠাইল মোরে তোমার সদন ॥
গোবিন্দের প্ৰিয়বন্ধু তোমা পঞ্চভাই ।
তোমার ভাবনা বিনা অশ্রু মনে নাই ॥
সে কারণে আমাৰে পাইলেন হেথা ।
দ্বারকা লইয়া যাব পাৰ্থ মহাৰথা ॥
বহুদিন তাঁর সহ নাহি দৰ্শন ।
সেই হেতু লইতে কহেন নারায়ণ ॥
তিলেক বিলম্ব রাজা না হয় বিচাৰ ।
শীঘ্ৰগতি অৰ্জুন করুন অগ্ৰসর ॥
কৃষ্ণেৰ বচন শুনি পঞ্চ সহোদর ।
দাৰুকেৰে বসায়েন করিয়া আদর ॥
বসিয়া স্থম্ভিৰ চিত্ত না হয় দাৰুৰু ।
হৃদয় দহিছে শোকে বৈসে হেঁটমুখ ॥
দাৰুকেৰ চিত্ত রাজা দেখি উচাটন ।
বিস্ময় ভাবিয়া মানিছেন মনে মন ॥
এইত দাৰুৰু হয় কৃষ্ণেৰ সারথি ।
যেই কৃষ্ণ অনাদি পুৰুষ লক্ষ্মপতী ॥
তাঁহাৰ আশ্ৰিত জন কি দুঃখে দুঃখিত ।
ইহাৰ কাৰণ কিছু না বুঝি কিঞ্চিৎ ॥
এত চিন্তি জিজ্ঞাসেন ধৰ্ম্মেৰ নন্দন ।
কিহেহু দাৰুৰু এত চিত্ত উচাটন ॥
কৃষ্ণেৰ আশ্ৰিত জন কিবা তব দুঃখ ।
কি দুঃখে ত্ৰাসিত হৈলে কহত দাৰুৰু ॥
মাত্যকি প্ৰত্যাশ্ৰ শাস্ত্ৰ যাদব সঙ্কল ।
কেমন আছেন অনিৰুদ্ধ মহাবল ॥
কেমন আছেন সবে কহ সত্যবাণী ।
কহ দেখি কৃষ্ণেৰ কুশলবৰ্ত্তা শুনি ॥
তব চিত্ত উচাটন দেখিয়া নয়নে ।
প্ৰাণাধিক মিত্ৰ মম ধৈৰ্য্য নাহি মানে ॥
কৃষ্ণেৰ কুশল কহ দাৰুৰু সারথি ।
কেমন আছেন প্ৰিয়বর যদুপতি ॥

শুনিয়া দাৰুৰু কহে যোড়করি হাত ।
সে সকল অবগত হইবে পশ্চাত ॥
ত্বরিত অৰ্জুনে রাজা করহ বিদায় ।
বন্ধুজন দেখিতে চাহেন যদুৰায় ॥
শুনি অনুমতি দেন পাণ্ডুবংশপতি ।
হৃদয় হইয়া পাৰ্থ যান শীঘ্ৰগতি ॥
ত্বরিত গমনে পাৰ্থ দ্বারকানগরী ।
বিস্ময় মানেন সেই দ্বাৰাবতী হেরি ॥
পূৰ্বৰূপ শোভা কিছু না দেখানে আর ।
শূন্যাকাৰ পুৰীখান দিনে অন্ধকাৰ ॥
পুৰেতে পুৰুষ নাহি কেবল রমণী ।
চিত্ৰ-পুত্ৰসিকা প্ৰায় আছে অনুমানি ॥
শুষ্ক ওষ্ঠ শুষ্ক মুখ শুষ্ক সৰ্ব্ব অঙ্গ ।
না হয় আনন্দ বাণ নৃত গীত রঙ্গ ॥
মনুষ্যেৰ শব্দ নাহি দ্বারকানগরে ।
কপোত পেচক শিবা চৌদিকে বিহরে ॥
গৃধ্ৰ কঙ্ক নানা পক্ষী উড়ে পালে পালে ।
ঘোৰতর শব্দ করি উঠে বসে চালে ॥
এত সব দেখি পাৰ্থ হইয়া চিন্তিত ।
চক্ষুতে পড়য়ে জল চিত্ত বিকলিত ॥
বসুদেব দৈবকী রোহিণী তিনজন ।
প্ৰাণহীন জন যেন ভূমিতে শয়ন ॥
প্ৰণমিয়া জিজ্ঞাসেন অৰ্জুন-বারতা ।
শুষ্কতনু সবার বদনে নাহি কথা ॥
পুনঃ পুনঃ পাৰ্থ বীর করেন জিজ্ঞাসা ॥
হরি বলি কান্দে সবে নাহি অশ্রু ভাষা ।
কৃষ্ণ বিনা প্ৰাণ নাহি বলে সৰ্ব্বজন ॥
চিন্তান্তিত হইলেন কুন্তীৰ নন্দন ।
দাৰুৰু বলেন পাৰ্থ কি কর ভাবনা ।
প্ৰভুৰে দেখিবা যদি চল সৰ্ব্বজনা ॥
প্ৰভাসেৰ তীৰেতে আছেন দুই ভাই ।
সকল যাদবগণ আছেন তথাই ॥
এত বলি সত্বরে চলিল দুইজন ।
শূন্যময় হৈল পুৰী দ্বারকা ভুবন ॥
পথ বিহরণে সবে যায় ধীৰে ধীৰে ।
আসিয়া মিলিল সবে প্ৰভাসেৰ তীৰ ॥

তথায় দেখিয়া যদুকুলের সংহার ।
 ভূমে গড়াগড়ি যায় অঙ্গ সবা কার ॥
 হাহা রবে কান্দিলেন ইন্দ্রের নন্দন ।
 করেন বিলাপ বহু মহাশোক মন ॥
 রামের শরীর দেখি প্রভাসের তীরে ।
 বিলাপ করেন পার্থ লুপ্তিত শরীরে ॥
 হায় যদুকুলপতি বীর হলধর ।
 মুঘল লাঙ্গল কেন ভূমির উপর ॥
 সকল ত্যজিয়া প্রভু যোগে দিলা মন ।
 দুর্ঘট দৈত্য বিনাশ করিবে কোন্ জন ॥
 ভারাবতরণ হেতু আসি ক্ষিতিতলে ।
 পৃথিবীর ভার হরি যোগ আচরিলে ॥
 বারেক উত্তর দেহ রেবতীরমণ ।
 কান্দিয়া আকুল তব বন্ধু পরিজন ॥
 তবে ধনঞ্জয় যায় বৃষ্ণের তলায় ।
 প্রাণনাথ কৃষ্ণদেহ দেখিয়া তথায় ॥
 কৃষ্ণদেহ কোলে করি কান্দিছেন বীর ।
 পৃথিবী তিতিল তাঁর নয়নের নীর ॥
 মহাভারতের কথা অমৃত অর্ণবে ।
 পাঁচালী প্রবন্ধে কহে কাশীরাম দেবে ॥

দৈত্যগণ কর্তৃক যত্নপন্নীগণ হরণ ও পাষণ
 হইবার বিবরণ ।

কৃষ্ণের শরীর পার্থ কোলেতে করিয়া ।
 বিলাপ করেন বহু কান্দিয়া কান্দিয়া ॥
 কৃষ্ণ প্রাণ কৃষ্ণ নাথ কৃষ্ণ ধন জন ।
 কৃষ্ণ বিনা পাণ্ডবের আছে কোন্ জন ॥
 এতদিনে পাণ্ডবেরে বঞ্ছিলেন বিধি ।
 কোন দোষে হারাইলু কৃষ্ণ গুণনিধি ॥
 এই দ্বারাবতী আমি পূর্বে আসিতাম ।
 আমারে পাইলে কত পাইতে বিজ্ঞাম ॥
 সখা সখা বলি মোরে করি সম্বোধন ।
 ভুজ প্রসারিয়া আসি দিতে আলিঙ্গন ॥
 পূর্বেতে কহিলে তুমি সভার ভিতর ।
 কৃষ্ণার্জুন এক তনু নহে ভিন্ন পর ॥

পাণ্ডুপুত্রগণ মম প্রাণের সমান ।
 পাণ্ডবের কার্যেতে বিক্রীত মম প্রাণ ॥
 সলিল রক্ষিত যেন মৎস্ত আদি জন ।
 সেইরূপ পাণ্ডব রক্ষিত নারায়ণ ॥
 সারথি করিয়া সঙ্কটে কৈলে পার ।
 দুর্ঘোষন ভয় হৈতে করিলে উদ্ধার ॥
 আমি তব সখা প্রাণসখী যাজ্ঞসেনী ।
 পরম বান্ধবরূপে রাখিলে আপনি ॥
 পাখা যেন রক্ষা করে পাখীর জীবন ।
 সলিল রক্ষিত যেন জলচরগণ ॥
 ওহে প্রভু যদুনাথ নাহি শুন কেনে ।
 কোন্ দোষে দোষী হৈলু তব ও চরণে ॥
 তব প্রিয়সখা আমি সেই ধনঞ্জয় ।
 সখারে বিমুখ কেন হৈলে মহাশয় ॥
 একবার চাও প্রভু মেলিয়া নয়ন ।
 সখা বলি বারেক করহ সম্বোধন ॥
 বারেক দেখাও চাঁদমুখের স্নহাস ।
 বারেক বদনচাঁদে কহ স্নধাভাষ ॥
 রত্ন সিংহাসন ত্যজি ভূমিতে শয়ন ।
 চাঁদমুখে লাগিয়াছে রবির কিরণ ॥
 কোন্ মুখে যাব আমি হস্তিনানগরে ।
 কি বলিব গিয়া আমি রাজা যুধিষ্ঠিরে ॥
 ভাইগণে কি বলিব দ্রৌপদীর তরে ।
 কেমনে ধরিবে প্রাণ ধর্ম নৃপবরে ॥
 হায় বিধি ! এতদিনে করিলে নিরাশ ।
 কোন্ দোষে হারাইলু মিত্র ত্রিনিবাস ॥
 বিস্মরিলে সব কথা স্বীকার করিয়া ।
 সঙ্গে নিলে নিজ জনে পাণ্ডবে ত্যজিয়া ॥
 ভাগ্যবন্ত যদুকুল পুণ্য নাহি সীমা ।
 ইহলোকে পরলোকে পাইলেক তোমা ॥
 আমা সম হতভাগ্য পাপিষ্ঠ দুর্ন্যতি ।
 কোন্ গুণে পাব সেই কৃষ্ণপদে মতি ॥
 হা কৃষ্ণ কমলাকান্ত করুণা নিদান ।
 তোমা বিনা দহে মম হৃদয় পরাণ ॥
 কি বুদ্ধি করিব আমি কোথায় বা যাব ।
 আর কোথা সে চাঁদবদন দেখা পাব ॥

শিরতে হানিয়া হাত কান্দি উঠেঃস্বরে ।
 ভূমে গড়াগড়ি যান পার্থ ধনুর্ধরে ॥
 দারুক সারথি বোধ করায় অর্জুনে ।
 স্থির হও ধনঞ্জয় শোক ত্যজ মনে ॥
 অকারণে শোক কৈলে কি হইবে আর ।
 আমি যাহা কহি তাহা শুন সারোদ্ধার ॥
 বিধি নীতি আছে যেই ক্ষত্রিয়ের ধর্ম ।
 আপনি সবার তুমি কর প্রেতকর্ম ॥
 পূর্বেতে আমারে কহিলেন গদাধর ।
 সর্ব হৈতে বড় প্রিয় পার্থ ধনুর্ধর ॥
 যোগ আচরিয়া পরে পাইবে আমারে ।
 এই কথা দারুক কহিবা পাণ্ডবে ॥
 সে কারণে এই কর্ম তোমার বিহিত ।
 সবার সংকার কর্ম করিতে উচিত ॥
 বহুমতে সান্ত্বনাদি করিল অর্জুনে ।
 সংকার করিতে পার্থ করিলেন মনে ॥
 চন্দনের কাষ্ঠ তথা করি রাশি রাশি ।
 জ্বালিলেন চিতানল গগন পরশি ॥
 দেবকী রোহিণী বহুদেবের সহিত ।
 অগ্নিকুণ্ডে প্রবেশ করিল হরষিত ॥
 রেবতী রামের মনে পশি হতাশন ।
 অগ্নিকার্য্য সবাকার করিল অর্জুনে ॥
 সবাকার অগ্নিকার্য্য করি সমাপন ।
 বিধিমতে করিলেন শ্রাদ্ধাদি তর্পণ ॥
 দারুক পুনশ্চ কয় অর্জুনের প্রতি ।
 অর্জুনে বন্ধুর কার্য্য করহ সম্প্রতি ॥
 স্ত্রী গণে লইয়া যাও হস্তিনানগরে ।
 প্রভুর রমণীগণ বিদিত সংসারে ॥
 তোমা বিনা কার শক্তি রাখিবারে পারি ।
 সমুদ্র গ্রাসিবে এই দ্বারকানগরী ॥
 আজ্ঞা কর আমি বনে যাই মহাশয় ।
 শুনিয়া স্বীকার করিলেন ধনঞ্জয় ॥
 এতক বৃত্তান্ত পার্থে কহি মহামতি ।
 দারুক চলিল যথা বনের নিরুত্তি ॥
 কৃষ্ণের রমণীগণে লইয়া সংহতি ।
 গেলেন হস্তিনাপথে পার্থ মহামতি ॥

দ্বারকা গ্রাসিল আমি সমুদ্রের জল ।
 প্রভুর মন্দির মাত্র জাগয়ে কেবল ॥
 এক শত পঞ্চ বর্ষ ত্রীমধুসূদন ।
 মর্ত্যপুরে নিবসেন দ্বারকা ভুবন ॥
 স্ত্রীগণে লইয়া পার্থ করেন গমন ।
 হাতে ধরি গাণ্ডীব অক্ষয় শরাসন ॥
 হেনকালে দৈত্যগণ আছিল কোথায় ।
 কৃষ্ণের রমণীগণে দেখিবারে পায় ॥
 একত্র হইয়া যুক্ত করে সর্বজন ।
 কৃষ্ণের রমণীগণে হরিব এখন ॥
 অর্জুনে লইয়া যায় যতক সুন্দরী ।
 কাড়িয়া লইব হেন হৃদয়ে বিচারি ॥
 পার্থে আগুলিল আর সকল রমণী ।
 হস্তে ধরি স্ত্রীগণের করে টানাটানি ॥
 দেখিয়া কুপিত অতি বীর ধনঞ্জয় ।
 গাণ্ডীব ধরিল বীর ক্রোধে অতিশয় ॥
 অমিদন্ত গাণ্ডীব অক্ষয় শরাসন ।
 যাহাতে করেন পার্থ ত্রৈলোক্য শাসন ॥
 দেবের বাঞ্ছিত ধনু অতি মনোহর ।
 খাণ্ডবদাহন কালে দিল বৈশ্বানর ॥
 ধরি ধনু হেলায়, হেলায় দিত গুণ ।
 এবে গুণ দিতে শক্ত নহেত অর্জুনে ॥
 মহাভয় হৈল ধনু তুলিতে না পারি ।
 কত কষ্টে গুণ দেন বহু শক্তি করি ॥
 টানিতে না পারি ধনু আকর্ণ পুরিয়া ।
 কিছু অল্প টানি, বাণ দিলেন ছাড়িয়া ।
 মহাকোপে ছাড়িলেন বজ্রসম বাণ ।
 দৈত্য অঙ্গে ঠেকি পড়ে ভূণের সমান ॥
 বাছিয়া বাছিয়া বাণ বিক্ষেপে প্রাণপণে ।
 অবহেলা বাণ ব্যর্থ করে দৈত্যগণে ॥
 এড়িল অক্ষয় অগ্নি বাণ ধনঞ্জয় ।
 যত বাণ এড়িলেন সব ব্যর্থ হয় ॥
 যত বিদ্যা পাইলেন দ্রোণগুরু স্থান ।
 যত বিদ্যা পাইলেন অমর ভুবন ॥
 এ তিন ভুবনে যারে মানে পরাজয় ।
 দৈত্য সনে রণে সর্ব অস্ত্র ব্যর্থ হয় ॥

ব্রহ্ম অস্ত্র অর্জুনের হৈল পাসরণ ।
 বিশ্বয় মানিয়া চিস্তিলেন মনে মন ॥
 গাণ্ডীব ধনুক বীর ধরি দুই করে ।
 প্রহার করেন দৈত্যগণের উপরে ॥
 ইতর মনুষ্য যেন করে ধরি বাড়ি ।
 দৈত্যগণ অর্জুনেরে করে তাড়াতাড়ি ॥
 দৈত্যগণ অর্জুনেরে পরাজিয়া রণে ।
 জীগণে লইয়া গেল স্বচ্ছন্দ গমনে ॥
 দৈত্যগণ পরশে প্রভুর নারীগণ ।
 পাষণ পুত্তলি হ'ল ত্যজিয়া জীবন ॥
 পরাজয় মানি পার্থ পরম চিস্তিত ।
 কান্দিতে কান্দিতে যান অত্যন্ত দুঃখিত ॥
 বদরিকাশ্রমে গিয়া ব্যাসের নিকটে ।
 দণ্ডবৎ প্রণাম করিল করপুটে ॥
 অর্জুনেরে মলিন দেখিয়া অতিশয় ।
 জিজ্ঞাসা করেন তাঁরে ব্যাস মহাশয় ॥
 কি হেতু হইলে দুঃখী কুন্তীর নন্দন ।
 আজি কেন দেখি তব মলিন বদন ॥
 দুষ্কর্ম করিলে কিবা কহত আমারে ।
 পরাজয় হৈলে কিবা সংগ্রাম ভিতরে ॥
 দেব-দৈত্যে হিংসিলে কি সৃজনে পীড়িলে ।
 দুর্জনে সেবনে কিবা হীনতা পাইলে ॥
 এত বলি আশ্বাসিয়া মুনি মহাশয় ।
 করে ধরি বসাইল বীর ধনঞ্জয় ॥
 কান্দিয়া কহেন পার্থ মহাধনুর্ধর ।
 কি কহিব মুনি সব তোমাতে গোচর ॥
 এত দিনে পাণ্ডবেরে বিধি হৈল বাম ।
 গোলোকনিবাসী হ'ল কৃষ্ণ বলরাম ॥
 যাঁর অনুগ্রহে আমি বিজয়ী সংসারে ।
 হেলায় গাণ্ডীব ধনু ধরি বাম করে ॥
 যম সম বৈরীগণে না করিনু ভয় ।
 পরাক্রমে করিলাম তিনলোক জয় ॥
 মম পরাক্রম-দেব সব জান তুমি ।
 এক রথে চড়িয়া জিনিষু মর্ত্যভূমি ॥
 সেই ভূণ সেই ধনু সেই ধনঞ্জয় ।
 সকল নিষ্ফল হৈল শুন মহাশয় ॥

দৈত্যগণ আমি মোরে পরাজিল রণে ।
 কৃষ্ণের রমণী কাড়ি নিল মম স্থানে ॥
 প্রভু বিনা এই গতি হইল এখন ।
 এ পাপ জীবনে মম নাহি প্রয়োজন ॥
 বিক্রম বিজয় মোর সব দামোদর ।
 তাঁহার অভাবে ধরি পাপ কলেবর ॥
 কহ মুনি কি উপায় করিব এখন ।
 কেমনে পাইব আমি শ্রীমধুসূদন ॥
 উচ্চৈঃস্বরে কান্দেন সঘনে বহে শ্বাস ।
 অর্জুনেরে আশ্বাসিয়া কহিলেন ব্যাস ॥
 স্থির হও ধনঞ্জয় শোক পরিহর ।
 আমি যাহা কহি তাহা শুন বীরবর ॥
 যা কহিলে ধনঞ্জয় সব আমি জানি ।
 বল বুদ্ধি পরাক্রম দেব চক্রপাণি ॥
 অনাদি পুরুষ তিনি ব্রহ্ম সনাতন ।
 উৎপত্তি প্রলয় স্থিতি সেই নারায়ণ ॥
 নিলেপ নিগুণ নিরঞ্জন নিরাকার ।
 অক্ষয় অব্যয় তিনি অনন্ত আকার ॥
 জল স্থল শূন্য তিনি সকল সংসার ।
 সর্বভূতে আত্মারূপে নিবাস তাঁহার ॥
 আত্মপর নাহি তাঁর সব সমজ্ঞান ।
 কীট পক্ষী মনুষ্যাদি সকল সমান ॥
 তিনি ব্রহ্মা তিনি বিষ্ণু তিনি পঞ্চানন ।
 ইন্দ্র চন্দ্র সূর্য্য তিনি পবন শমন ॥
 চরাচর সর্বভূতে বিশ্বে যেই জন ।
 পরমাত্মা রূপে ব্রহ্ম সেই সনাতন ॥
 কে জানিতে পারে সেই প্রভুর মহিমা ।
 চারিবেদে কিঞ্চিৎ না পায় যাঁর সোমা ॥
 শত কোটি কল্প যোগী ধ্যানে রাখি মন ।
 তবু নাহি পায় সেই প্রভু দরশন ॥
 তোমরা পাইলে কত পুণ্য সে বান্ধব ।
 কৃষ্ণ বিনা অন্য নাহি জান তোমা সব ॥
 ভক্তির অধীন সেই প্রভু নারায়ণ ।
 ভক্তিযোগে পাই সেই প্রভু দরশন ॥
 ত্যজিয়া মনের ধন্দ ভজ গিয়া তাঁহে ।
 ভক্তিরূপ ভগবান দূর হরি নহে ॥

অচিরে অর্জুন সেই কৃষ্ণকে পাইবে ।
 প্রিয়জন স্মরণেতে সতত চিন্তিবে ॥
 নিকটে থাকিতে তাঁরে যত ভক্তি ধরে ।
 শত কোটি ভক্তি হয় থাকিলে অন্তরে ॥
 জানিয়া অর্জুন তুমি স্থির কর মন ।
 গৃহেতে গমন কর জানিয়া কারণ ॥
 পুনশ্চ বলেন পার্থ শুন মহাশয় ।
 এক কথা কহি, মোর খণ্ডাও বিশ্বয় ॥
 দৈত্য হরি লইল প্রভুর নারীগণ ।
 ইহার কারণ তুমি কহ তপোধন ॥
 পূর্বপুণ্যে কৃষ্ণ পতি পাইল জীগণ ।
 সদাকাল সেবিলেক শ্রীকৃষ্ণ-চরণ ॥
 তাহা সবা কার কেন হৈল হেন গতি ।
 কহিবে ইহার হেতু মুনি মহামতি ॥
 অর্জুনের বাক্য শ্রুনি কহিলেক মুনি ।
 কার শক্তি হরিবেক শ্রীকৃষ্ণ-রমণী ॥
 পূর্বের বৃত্তান্ত কহি শুন ধনঞ্জয় ।
 বিদ্যাদরীগণ ছিল ইন্দ্রের আলায় ॥
 প্রভুর প্রকাশ যবে হইল অবনী ।
 তাহা সবা কারে আজ্ঞা কৈল পদ্মধোনি ॥
 পৃথিবীমণ্ডলে জন্ম লহ গিয়া সবে ।
 ভাগ্য পুণ্যফলে সবে কৃষ্ণ পতি পাবে ॥
 লক্ষ্মী অংশ পেয়ে হবে লক্ষ্মীর সমান ।
 ভক্তিতে করিবে বশ বিষু ভগবান ॥
 বিধির আদেশ সর্ব কন্যাগণ লৈয়া ।
 পৃথীতে চলিল সবে হৃষ্টমতি হৈয়া ॥
 মান করিবারে গেল পুণ্যনদী তীরে ।
 অষ্টাবক্র নামে মুনি তথা তপ করে ॥
 ভক্তি করি কন্যাগণ প্রণতি করিল ।
 হৃষ্ট হৈয়া মুনিবর আশীর্বাদ দিল ॥
 পৃথিবীতে গিয়া সবে পাবে কৃষ্ণ পতি ।
 নোবাঞ্ছা পূর্ণ হবে শুন গুণবতী ॥
 আশীর্বাদ লাভ করি চলিল রমণী ।
 হনকালে জল হৈতে উঠে মহামুনি ॥
 ঠাঁই কুজ বক্র খর্ব্ব কলেবর ।
 দয়ুগী বন্ধিন, বন্ধিন ছুই কর ॥

শ্রবণ নামিকা চক্ষু সব বিপরীত ।
 দেখিয়া অপূর্ব সব হইল বিন্মিত ॥
 মুনিরূপ দেখি সবে উপহাস কৈল ।
 তাহা শুনি মুনিবর কুপিয়া কহিল ॥
 আমা দেখি উপহাস কর নারীগণ ।
 সে কারণে শাপ দিব শুন সর্বজন ॥
 পৃথিবীতে গিয়া সবে কৃষ্ণ পতি পাবে ।
 এই অপরাধে সবে দৈত্য হরি লবে ॥
 মুনির বচনে সবে কম্পিত শরীর ।
 নিবেদন করে তবে চরণে মুনির ॥
 অবলা জীজাতি মোরা সহজে চঞ্চলা ।
 ক্ষম অপরাধ মুনি দেখিয়া অবলা ॥
 প্রসন্ন হইয়া কর শাপ বিমোচন ।
 ধর্ম্মে মতি রহু আজ্ঞা কর তপোধন ॥
 তুষ্ট হ'য়ে পুনরপি মুনিবর কহে ।
 কহিলাম যে কথা সে কভু ব্যর্থ নহে ॥
 অবশ্য হরিবে দৈত্য না হবে এড়ান ।
 দৈত্যের পরশে সবে হইবে পাষণ ॥
 পূর্বের বৃত্তান্ত এই জানাই তোমায় ।
 কন্যাগণে দৈত্য হরে এই অভিপ্রায় ॥
 পাষণ হইল তারা দৈত্যের পরশে ।
 প্রভুর রমণীগণ গেল তাঁর পাশে ॥
 না ভাবিও চিতে দুঃখ চল নিজ ঘরে ।
 ভোগ অভিলাষ ত্যজি ভজহ কৃষ্ণেরে ॥
 এত বলি অর্জুনেরে দিলেন বিদায় ।
 প্রণমিয়া ধনঞ্জয় যান হস্তিনায় ॥
 মহাভারতের কথা অমৃত সমান ।
 কাশীরাম দাস কহে শুনে পুণ্যবান ॥

অর্জুন কহুক সুবিষ্টিরের নিকট বহুকুল নাশের কথা ।

জন্মেজয় কহে তবে শুন তপোধন ।
 অতঃপর কি হইল কহ বিবরণ ॥
 পাণ্ডুপুত্র পঞ্চভাই শ্রীকৃষ্ণ বিয়োগে ।
 কিমতে ধরিল প্রাণ এত শোক ভোগে ॥
 বিশেষিয়া কহ মুনি মহাশয় মোরে ।
 এ তাপ খণ্ডাও মম মনের ভিতরে ॥

তব মুখে ঐশ্বর্যবাক্য স্রুধা হৈতে স্রুধা ।
 অবগেতে আমার খণ্ডিল সব ক্ষুধা ॥
 পিতামহ উপাখ্যান অপূর্ব আখ্যান ।
 তব মুখে শুনিলে জন্ময়ে দিব্যজ্ঞান ॥
 বিখ্যাত বৈশম্পায়ন মহাতপোধন ।
 ব্যাস উপদেশ শাস্ত্রে অতি বিচক্ষণ ॥
 নৃপতির বাক্য শুনি আনন্দিত মনে ।
 কহিতে লাগিল মুনি জন্মেজয় স্থানে ॥
 মুনি বলে শুন কুরুবংশ চূড়ামণি ।
 অনন্তরে শুন পিতামহের কাহিনী ॥
 বসিলেন ধর্ম্মরাজ রত্ন সিংহাসনে ।
 শিরেতে ধরিল ছত্র পবন-নন্দনে ॥
 চামর ঢুলায় দুই মদ্রবতী-সুত ।
 পাত্র মিত্র অমাত্য সংযুত গুণযুত ॥
 সভায় বসিয়া রাজা ধর্ম্ম অবতারণ ।
 হরষিতে বসি সবে করেন বিচার ॥
 হেনকালে অমঙ্গল দেখি বিপরীত ।
 দিবসেতে শিবাগণ ডাকে চারিভিত ॥
 অস্তুরীক্ষে গৃধ্রপক্ষী উড়ে ঝাঁকে ঝাঁকে ।
 বিপরীত শব্দ করি ঘন ডাকে কাকে ॥
 বিনা মেঘে ঘোর ডাকে ভীষণ গর্জ্জন ।
 বিপরীত বাত বহে ভয় বরিষণ ॥
 প্রবল প্রলয়ে যেন অগ্নি বরিষণ ।
 ঘোরতর শব্দে ডাকে পশু-পক্ষীগণ ॥
 ঘরে ঘরে নগরে লোকের কলরব ।
 অন্ত্রে অন্ত্রে কোন্দল করয়ে লোক সব ॥
 পিতাপুত্রে বিবাদ শাস্ত্রী বধু সনে ।
 ব্রাহ্মণ সহিত দ্বন্দ্ব করে শূদ্রগণে ॥
 জনকের কেশে ধরি মারয়ে তনয় ।
 ভাল মন্দ নাহি মুখে যাহা আসে কয় ॥
 দেউল প্রাচীর ভাঙ্গে দেবের দেহর ।
 প্রতিমা সকল নাচে গায় মনোহর ॥
 অবিজ্ঞান ক্রমে ক্রমে নাচে বহুমতী ।
 বিবিধ উৎপাত বহু হইল অনীতি ॥
 দেখিয়া বিশ্বয় চিত্ত ধর্ম্মের নন্দন ।
 চিন্তাযুক্ত হ'য়ে মনে করেন ভাবন ॥

না জানি কি হেতু হয় এত অমঙ্গল ।
 মন স্থির নহে মম হৃদয় বিকল ॥
 দ্বারকানগরে গেল পার্থ মহারথ ।
 তার ভদ্রাভদ্র কিছু না পাই বারতা ॥
 না জানি কি বিরোধ করিল কার সনে ।
 নাহি জানি কি কর্ম্ম করিল সেইখানে ॥
 কিবা পার্থ সমরে পাইল পরাজয় ।
 এত অমঙ্গল দেখি অকারণ নয় ॥
 কিরূপে স্থিরিতে পাই পার্থের বারতা ।
 শীঘ্রগতি দূত পাঠাইয়া দেহ তথা ॥
 কি কারণে আজ মম আকুল পরাণ ।
 বাম অঁখি নাচে এই বড় অলক্ষণ ॥
 এইরূপে যুধিষ্ঠির করেন ভাবন ।
 বিষাদ করেন রাজা চিন্তাকুল মন ॥
 পার্থ আইলেন তবে দ্বারকা হইতে ।
 হস্তিনায় প্রবেশিল কান্দিতে কান্দিতে ॥
 হায় কৃষ্ণ বলিয়া কান্দেন ঘনে ঘন ।
 কিম্বতে যাইব আমি হস্তিনা ভুবন ॥
 কি বলিব গিয়া আমি ধর্ম্ম নৃপবরে ।
 হায় প্রভু তোমা বিনা কি হবে আমারে ॥
 নয়নযুগলে বারি বহে অনিবার ।
 শুষ্কমুখে কৃষ্ণ কৃষ্ণ বলি হাহাকার ॥
 গাণ্ডীব ধরিতে নাহি হইলেন ক্ষম ।
 কৃষ্ণের সহিত গেল বীরত্ব বিক্রম ॥
 রথিতে গাণ্ডীব রাখি বীর ধনঞ্জয় ।
 পদব্রজে চলিলেন অতি দীন প্রায় ॥
 দূরে দেখি ধর্ম্ম জিজ্ঞাসেন বৃকোদরে ।
 এই দেখ অর্জুন আসিছে কতদূরে ॥
 অর্জুনের রথ হেন পাই দরশন ।
 অর্জুন আইসে মম হেন লয় মন ॥
 কিহেতু এতেক ধীরে চলে রথবর ।
 বিষাদ গমন হেন বুঝি যে অন্তর ॥
 অর্জুনের দোখ আজি বড়ই মলিন ।
 কৃষ্ণবর্ণ শুষ্কমুখ যেন আত দীন ॥
 দারুণ আইল পূর্বের কৃষ্ণের আদেশে ।
 অর্জুনে লইয়া গেল গোবিন্দের পাশে ॥

কতবার যায় পার্থ দ্বারকা ভুবন ।
 আনন্দসাগরে আসে নিজ নিকেতন ॥
 আজি কেন অমঙ্গল দেখি অপ্রমিত ।
 কলহ করিল কিবা কাহার সহিত ॥
 কিম্বা কোন অপরাধ কৈল প্রভুস্থানে ।
 সেই দোষে কৃষ্ণ কি করিলেন ভৎসনে ॥
 বলভদ্র সহ কিবা করিল বিবাদ ।
 না জানি ঘটিল আজি কেমন-বিবাদ ॥
 যদি পার্থ হ'য়ে থাকে কৃষ্ণের বর্জিত ।
 সকলে নৈরাশ হ'ল পাণ্ডব নিশ্চিত ॥
 কৃষ্ণ বিনা পাণ্ডবের কেবা আছে আর ।
 সকল সম্পদ মম চরণ তাঁহার ॥
 তাঁহার বর্জিত হ'য়ে কে ধরিবে দেহ ।
 কি করিব রাজ্যধন কি করিব গেহ ॥
 এইমত যুধিষ্ঠির করেন চিন্তন ।
 নিকটে আইল পার্থ ইন্দ্রের নন্দন ॥
 চিত্র পুত্তলিকা প্রায় মুখে নাহি বোল ।
 পড়িল ধরণীতলে হইয়া বিহ্বল ॥
 হা কৃষ্ণ বলিয়া বীর লোটায় ধরণী ।
 অর্জুনের নেত্রজলে ভিজিল অবনী ॥
 রাজা জিজ্ঞাসেন কহ কুশল সংবাদ ।
 পাণ্ডবের তরে কিবা হইলে প্রমাদ ॥
 কি দোষ করিলে তুমি কৃষ্ণের চরণে ।
 গোবিন্দ বর্জিত কি হইলে এত দিনে ॥
 স্বরূপেতে বলহ কুশল সমাচার ।
 কি কারণে এত দুঃখ হইল তোমার ॥
 উঠ উঠ ধনঞ্জয় কহ বিবরণ ।
 কি প্রকার আছেন সে শ্রীমধুসূদন ॥
 কি কারণে ত্বরিত সে দারুক আইল ।
 ভাল মন্দ সমাচার কিছু না কহিল ॥
 তোমাকে লইয়া গেল দ্বারকা নগরী ।
 কহ তুমি কিরূপে ভেটিবে দেব হরি ॥
 জগতের হর্তা কর্তা দেব নারায়ণ ।
 এক লোমকূপে তাঁর বৈসে কত জন ॥
 কত শিব ইন্দ্র ষাঁর এক লোমকূপে ।
 তাঁহায়ে সম্ভাষ তুমি করিলে কি রূপে ॥

মাতুল নন্দন হেন বিচারিল মনে ।
 সেই দোষে কৃষ্ণ নাহি চাহিল নয়নে ॥
 কিবা বলভদ্র সহ কৈলে অবিনয় ।
 কি দোষ করিলে তুমি ভাই ধনঞ্জয় ॥
 চারিভিতে চারি ভাই মলিন বদন ।
 ধূলায় লোটায় বীর ইন্দ্রের নন্দন ॥
 অর্জুন কহেন রাজা কি কহিব আর ।
 এতদিনে কৃষ্ণহীন হইল সংসার ॥
 পাণ্ডবের বন্ধুরূপী সেই নারায়ণ ।
 তাহাতে বর্জিত হ'লে শুনহ রাজন ॥
 ব্রহ্মশাপে যদুবংশ হইলেক ক্ষয় ।
 হৃন্দ যুদ্ধ করি সবে করিল প্রলয় ॥
 কামদেব আদি যেই কৃষ্ণের নন্দন ।
 কৃতবর্মা সাত্যকি যতেক যদুগণ ॥
 পরস্পর যুদ্ধ করি হইল সংহার ।
 একজন যদুকুলে না রহিল আর ॥
 যোগে তনু ত্যজিলেন রেবতীরমণ ।
 নিম্বরক্ষ আরু ছিলেন নারায়ণ ॥
 ব্যাধ এক আসি বাণে বিদ্ধিল চরণ ।
 তাহে ত্যজিলেন প্রাণ শ্রীমধুসূদন ॥
 পাণ্ডবকুলের নাথ দেব জনর্দন ।
 তাঁহার বিয়োগে হ'ল সকল মরণ ॥
 কি করিব রাজ্যধন কি কাজ জীবনে ।
 সকল নিরাশ হ'ল গোবিন্দ বিহনে ॥
 গাণ্ডীব ধরিতে মম শক্তি নাহি আর ।
 দশদিক শূন্য দেখি সকলি অন্ধকার ॥
 মুঘলপর্বের কথা অপূর্ব ঘটন ।
 পয়ার প্রবন্ধে কাশীদাস বিরচন ॥

যুধিষ্ঠিরের বিলাপ ।

অর্জুনের বাক্য শুনি, যুধিষ্ঠির নৃপমণি,
 পড়িলেন ধরণী উপর ।
 ভীমসেন মাদ্রৌহত, ভদ্রা কৃষ্ণা পরীক্ষিত,
 লোটাইয়া ধূলায় ধূসর ॥
 চিত্রের পুত্তলি প্রায়, স্তূমে গড়াগড়ি যায়,
 প্রাণধন গোবিন্দ বিহনে ।

হাহাকার শব্দ করি, কান্দি ধর্ম অধিকারী,
 পড়িলেন ভূমে অশ্রুতন ॥
 হা কৃষ্ণ করুণাসিন্ধু, পাণ্ডবগণের বন্ধু,
 পার্থরূপ পক্ষীর জীবন ।
 বিবিধ সঙ্কটে ঘোরে, রক্ষা কৈলে বারে বারে,
 কুরুক্ষেত্রে আদি মহারণ ॥
 খাণ্ডবদাহন কালে, ইন্দ্র আদি দিকপালে,
 তোমার কৃপায় হৈল জয় ।
 নিবাত কবচ আদি, যত দেবগণ বাদী,
 একেলা বধিল ধনঞ্জয় ॥
 উত্তর গোত্রহে রণে, ভীষ্ম আদি বীরগণে,
 একেশ্বর জিনিল ফাল্গুনী ।
 দুর্যোধন ভয় হৈতে, রক্ষা কৈলে কুরুক্ষেত্রে,
 সারথি হু করিলে আপনি ॥
 পূর্বেতে পাশায় জিনি, সভামধ্যে যাজ্ঞসেনী,
 ধরিয়া আনিল দুর্যোধন ।
 বিবস্ত্রা করিতে তারে, দুষ্ক দুঃশাসন ধরে,
 বস্ত্র ধরি টানে ঘনে ঘন ॥
 পঞ্চস্বামী বিদ্যমান, কিছুতে না দেখি ত্রাণ,
 ডাকিল তোমার নাম ধরি ॥
 অনাথের নাথ তুমি, তখনি জানিছু আমি,
 রক্ষা কৈলে দ্রুপদকুমারী ॥
 দ্বিতীয় প্রহর নিশি, আসিল দুর্বাসা ঋষি,
 ঘোরতর অরণ্য ভিতর ।
 সে সমুদ্রে পাণ্ডুসুতে, ফেলাইল কুরুনাথে,
 তাহাতে রাখিলা দামোদর ॥
 বিরাট নগর হৈতে, দুর্যোধন কুরুসুতে,
 হস্তিনা আইসে দূতগণে ।
 তোমার মুখের বাণী, না শুনিল কুরুমণি,
 ঘোরতর করিল দারুণে ॥
 কৃপাসিন্ধু অবতার, সঙ্কটে করিলে পার,
 বন্ধুরূপে পাণ্ডব নন্দনে ।
 পুনঃ আমি শোকাস্তরে, অরণ্যে যাবার তরে,
 সত্য চিন্তিলাম নিজ মনে ॥
 প্রবোধিয়া বিধিমতে, আমারে রাখিলে তাতে,
 বুঝাইয়া অশেষ প্রকার ।

হায় দুঃখ বিমোচন, পাণ্ডবের প্রাণধন,
 তোমা বিনা কে আছে আমার ॥
 যুধিষ্ঠির নৃপবর, ধনঞ্জয় বৃকোদর,
 সহ দুই মাদ্রীর নন্দন ।
 শোকসিন্ধু মধ্যে পড়ি, ধরণীতে গড়াগড়ি,
 কৃষ্ণ কৃষ্ণ ডাকে ঘনে ঘন ॥
 ভারত অমৃত কথা, ব্যাসের রচিত গাথা,
 সর্ব দুঃখ শ্রবণে বিনাশ ।
 কমলাকান্তের স্তত, সৃজনের মনগ্রীত,
 বিরচিল কাশীরাম দাস ॥

দ্রৌপদীর সহিত পঞ্চপাণ্ডবের মহাপ্রস্থান ।

রাজা বলে ভাই সব কি ভাবিছ আর ।
 ব্রাহ্মণে আনিয়া দেহ সকল ভাণ্ডার ॥
 কৃষ্ণ বিনা গৃহবাসে নাই প্রয়োজন ।
 কৃষ্ণের উদ্দেশে যাব নিশ্চয় বচন ॥
 সকল সম্পদ মম সেই জগৎপতি ।
 তাঁহা বিনা তিলেক উচিত নহে স্থিতি ॥
 যথায় পাইব দেখা শ্রীনন্দনন্দনে ।
 কৃষ্ণ অনুসারে আমি যাইব আপনে ॥
 বুঝিয়া রাজার মন ভাই চারিজন ।
 করপুট হইয়া করেন নিবেদন ॥
 পাণ্ডবের গতি তুমি পাণ্ডবের পতি ।
 তুমি যেই পথে যাবে সেই পথে গতি ॥
 তোমা বিনা কে আর করিবে কোন কায ।
 কৃপায় সংহতি করি লহ ধর্মরাজ ॥
 আজন্ম তোমার পাশে নহি বিচলিত ।
 আমা সব ত্যজিবারে নহে ত উচিত ॥
 এত শুনি আশ্বাসেন ধর্ম নরপতি ।
 প্রণমিয়া করপুটে কহেন পার্শ্বতি ॥
 আমি ধর্মপত্নী তব ভাই পঞ্চজনে ।
 আমারে ছাড়িয়া সবে যাইবে কেমনে ॥
 তোমা সব সঙ্গে আমি যাইব নিশ্চয় ।
 অনুগত জনে নহে ত্যজ কৃপাময় ॥
 তোমার যে গতি রাজা আমার সে গতি ।
 অনুগত জনে রাজা করহ সংহতি ॥

নি আশ্বাসেন তবে ধর্মের নন্দন ।
 চন্দনন্দিনী হৈল হরষিত মনে ॥
 নানা রত্ন সবারে বিলান অপ্রমিত ।
 থুরানগরে দূত পাঠান হরিত ॥
 যো অনিরুদ্ধহৃত বজ্রনাম ধরে ।
 দুবংশ শেষ মাত্র তিনি একেশ্বরে ॥
 যুধিষ্ঠির আশয় বুঝিয়া বজ্রবীর ।
 সহরে আইল যথা রাজা যুধিষ্ঠির ॥
 বজ্রবীরে পেয়ে পঞ্চ পাণ্ডুর কুমার ।
 আলিঙ্গন করি হৈল আনন্দ অপার ॥
 ইন্দ্রপ্রস্থপাটে তারে অভিষেক করি ।
 চন্দ্রদণ্ড অর্পিলেন ধর্ম অধিকারী ॥
 তাহারে কহেন তবে ধর্ম নৃপবর ।
 কৃষ্ণের প্রপৌত্র তুমি বৃষ্ণিবংশধর ॥
 এই ইন্দ্রপ্রস্থ তুমি কর অধিকার ।
 হস্তিনাতে পরীক্ষিত পাবে রাজ্যভার ॥
 তোমার প্রপিতামহ শ্রীমধুসূদন ।
 করিলেন বন্ধুরূপে আমারে পালন ॥
 এত কহি যুধিষ্ঠির সহর হইয়া ।
 বজ্রহস্তে ইন্দ্রপ্রস্থে দেন সমর্পিয়া ॥
 তবে যুধিষ্ঠির রাজা হস্তিনা ভুবনে ।
 পরীক্ষিতে বসায়েন রাজ-সিংহানে ॥
 পঞ্চতীর্থ জল আনি করি অভিষেক ।
 সমর্পিয়া পাত্র মিত্র অমাত্য যতেক ॥
 চতুর্দিকে বন হয় হরি হরি ধ্বনি ।
 হস্তিনায় পরীক্ষিত হৈল নৃপমণি ॥
 শুভক্ষণ করিয়া পাণ্ডব পঞ্চবীর ।
 পাঞ্চাল নন্দিনী সঙ্গে হইল বাহির ॥
 শ্রীহরি শ্রীহরি বলি ডাকি উচ্চৈঃস্বরে ।
 বিদায় দিলেন যত বন্ধু বান্ধবেরে ॥
 রূপাচার্য গুরুপদে প্রণাম করিয়া ।
 ধোম্য পুরোহিত স্থানে বিদায় হইয়া ॥
 চলিল পাণ্ডব সহ চন্দনন্দিনী ।
 হৃদয়ে ভাবিয়া সেই দেব চক্রপাণি ॥

যমপর্ব সমাপ্ত ।

প্রজালোকের প্রতি যুধিষ্ঠিরের প্রবোধ বাক্য ।
 ধর্ম বলিলেন শুন আমার বচন ।
 শোক না করহ সবে যাহ নিকেতন ॥
 এই পরীক্ষিত হ'ল রাজ্যোতে রাজন ।
 আমা সম তোমা সবে করিবে পালন ॥
 সংসার অসার সার নন্দের নন্দন ।
 মনেতে চিন্তহ সেই কৃষ্ণের চরণ ॥
 কৃষ্ণ ভজ কৃষ্ণ চিন্ত কৃষ্ণ কর সার ।
 ভেবে দেখ কৃষ্ণ বিনা গতি নাহি আর ॥
 এইরূপে প্রবোধ করিয়া বহুতর ।
 কৃষ্ণ বলি চলিলেন পঞ্চ মহোদর ॥
 হেনমতে পঞ্চ ভাই যান পূর্বমুখে ।
 হনকালে বৈশ্বানর দেখেন সম্মুখে ॥
 অর্জুনে চাহিয়া চলিছেন বৈশ্বানর ।
 আমার বচন শুন পার্থ ধনুর্ধর ॥
 আমি হতাশন, শুন ইন্দ্রের নন্দন ।
 মম হেতু করিয়াছ খাণ্ডবদাহন ॥
 তোমা পঞ্চ মহোদর দেব অবতার ।
 বিষ্ণু সহ পৃথিবীতে করিলে বিহার ॥
 করিলে অনেক কর্ম বিনাশিলে ভার ।
 পরম সন্তোষ হৈল পৃথিবী অপার ॥
 অতঃপর কিছু আর নাহি প্রয়োজন ।
 স্বর্গবাসে চলিলে তোমরা পঞ্চজন ॥
 অক্ষয় যুগল ভূণ গাণ্ডীব ধনুক ।
 দেহত আমায় তবে এ নহে কৌতুক ॥
 এত শুনি পঞ্চভাই পাঞ্চালী সহিত ।
 প্রণিপাত করিলেন হ'য়ে হরষিত ॥
 গাণ্ডীব ধনুক আর ভূণপূর্ণ শর ।
 অগ্নি বিঘ্নমানে দেন পার্থ ধনুর্ধর ॥
 ধনুক লইয়া অগ্নি হৈল অন্তর্ধান ।
 করপুটে পঞ্চজন করেন প্রণাম ॥
 তবে পূর্বমুখ হ'য়ে যান ছয় জন ।
 বনে বনে চলিলেন ভাই পঞ্চজন ॥